



DS  
735  
A2Y86  
1771a  
V. 52







御批歷代通鑑輯覽卷之一百二

明

宣宗皇帝

丙午宣德元年春正月命侍郎黃宗載一名厚字厚夫豐城人等清理

天下軍伍

時軍伍頗缺衛所勾軍州縣多不以實無丁之家誅求不已有丁之戶

行賄得免興州軍士范濟詣闕言之乃命宗載等十五人分

往直省清理之其後定清軍例二十四條遣京卿給事中御史以爲常

三月以禮部左侍郎張瑛邢臺人兼華蓋殿大學士直文淵

閣



初。帝爲皇太孫。瑛以給事中。與陳山沙縣人俱侍講讀。至

是以舊恩。遂有是命。瑛善承風旨。雖叅機務。委蛇受成

而已。帝亦弗重也。陳山于明年正月。亦拜謹身殿大學士。

夏四月。遣成山侯王通征黎利。

先是。利陷茶籠。去年十月。陳智方政討之。敗績。是年三月。時渠魁

未平。小寇蜂起。宣化賊周臧。太原賊黃菴。芙蓉賊潘可利。雲南寧遠州紅衣賊長擎。俱叛附利。

宣化。太原。皆府名。芙蓉。縣名。皆屬交趾布政司。今爲安南國地。帝降旨切責智政。以

通爲征夷大將軍。充總兵官。馬瑛爲叅將。帥師討利。尙

書陳洽。叅贊軍務。智政俱削爵。充爲事官。明制。凡以失律奪職。戴罪

從征者。稱爲事官。聽通節制。通旣出師。一日。帝御文華殿。蹇義

爲事官。自建郡縣以來。用兵無寧歲。昨遣將出師。朕反覆思之。欲如洪武中。使自爲一國。歲奉常貢。以全一方民命。卿

交趾自承樂以後。久隸版圖。黎利等竊弄潢池。稱兵犯順。正王誅所必加。雖陳智方政等敗衄相尋。亦由於閭將非人耳。宣宗旣別



簡重臣統兵進討而又聽楊士奇等珠崖之喻其時夏諸臣能不隨聲附和正宜相商決策乃軍行甫出國門而君臣相顧已早為棄地息兵之說厥後王通但務講和陳洽柳升相繼戰歿喪師失律坐為小醜所困皆由於廟謀之氣先餒耳

等以為何如。義原吉對曰。太宗皇帝平定此方。勞費多矣。二十年之功。棄于一旦。臣等以為非是。帝顧士奇。榮曰。卿兩人云何。對曰。交趾。唐虞三代俱在荒服之外。漢唐以來。雖為郡縣。叛服不常。漢元帝時。以賈捐之議。罷珠崖郡。前史稱之。元帝中主。猶能布仁行義。況陛下父母天下。與此豺豕較得失邪。帝領之。乃下詔。大赦交趾罪人。黎利。潘僚。降。亦授職。停採辦金銀香貨。欲以弭賊。而賊無悛心。

五月。詔毀身療親疾者。不得旌表。

初。洪武中。禮部定議。凡人子臥冰割股者。不在旌表之

例。

事見前。

至是。總旗

明史兵志。凡千百戶所。各設總旗二。小旗十。

衛整女。母病

篤。剖肝煮液。母飲之而愈。禮部特為請旌。帝曰。孝親有道。剖腹剖肝。豈可為孝。若因此傷生。則其罪益大。所請不允。

秋。七月。京師地震。



是歲。南京地亦震。

始立內書堂。

洪武中。設內官監典簿。掌文籍。以通書筭。小內使爲之。又設尙寶監。掌玉寶圖書。皆僅識字。不明其義。及永樂時。始令聽選教官。入內教習。至是。開書堂于內府。改刑部主事劉翀爲翰林修撰。專授小內使書。其後大學士陳山。修撰朱祚。俱專是職。選內使年十歲上下者。二三百人。讀書其中。後增至四五百人。翰林官四人教習。以爲常。于是內官始通文墨。掌章奏。照閣票批硃。與外庭交結往來矣。

京師地生毛。

內使之職。止於供給使令。卽令讀書。亦不過教之識字。記姓名。略解大義而已。特開書堂。聚至四五百人。已不免重視其事。且令大學士翰林等官。專以授書爲務。尤紊職守。而黷班聯若輩。因此遂得與外僚日相習。熟實開竇。緣交結之漸。宣宗於內使傳旨。必令



覆奏始行非不留心防制  
乃必欲其深通文墨甚至  
掌奏批硃悉下內豎之手  
實不解其何所政義至正  
統初卽有司禮秉筆之事  
貽害遂不可勝言豈非立  
法之不善耶

高煦不過一凶暴無賴之  
人又習見成祖以篡得國  
遂萌逆志其情事究與燕  
共有殊而宣宗亦非惠帝  
柔弱可比高煦弟乘其新  
立逞心不軌不意宣宗之  
竟能決意親征故一聞六  
師壓境如震迅雷手足已  
無所措則其事半功倍固  
時勢使然若僅命將出師  
恐成敗尚未可定且所遣

長尺餘。

詔自今內官內使傳旨必覆奏始行。

屢申諭部科而內官內使之擅傳旨者終不能禁。部科亦不能違也。

八月。漢王高煦反。帝親征。

高煦徙國樂安。

永樂中。高煦有罪。自雲南徙封樂安。事具前。

益怨望。帝卽位。

與其黨日夜造軍器。籍丁壯爲兵。破獄出死囚。厚養之。

集旁近無賴子弟及逋逃。賜銀幣。編隊甲。奪府州縣官

民畜馬。立五軍。

指揮王斌將前軍。韋達左軍。千戶盛堅右軍。知州朱恒後軍。高煦自將中軍。

四哨。

指揮韋弘。韋興。千戶王玉。李智。領之。

部署已定。授王斌太師。朱恒及

長史錢巽。尙書盛堅。及典仗侯海。都督教授錢常。侍郎。



之薛祿聞命色變甚至向  
廷臣垂泣其懼怯無能視  
建文時之李景隆相去有  
幾幸而宣宗英斷且楊榮  
等之力贊親征亦非齊黃  
輩所能及其功效故不可  
同日語也

其餘各以差授職。遣人約山東都指揮靳榮爲助。期先  
取濟南。然後犯闕。御史樂安李濬家居。變姓名。詣京。白  
其事。山東文武軍民。真定等衛所。告變者亦踵至。高煦  
遣親信枚青入京。約英國公張輔爲內應。輔立繫以聞。  
帝遣中官侯泰。賜高煦書。泰至。高煦盛兵見泰。曰。靖難  
時。非我出死力。不得至是。太宗輕聽讒言。削去護衛。徒  
我樂安。仁宗徒以金帛餌我。今上舉口談祖制。吾安能  
鬱鬱久居此乎。因命泰觀其軍馬兵器。曰。以此橫行天  
下可也。爾歸報爾主。速執送奸臣。然後議吾所欲耳。泰  
懼不敢言。歸亦不以實對。越數日。高煦所遣百戶陳剛  
賁奏至。多所指斥。索誅奸臣。以夏原吉爲罪首。帝遣陽



武侯薛祿

膠人行六軍中呼薛六後貴更名祿

往討之夜召諸大臣入議

原吉免冠謝死罪。帝曰：卿何爲是言？彼借卿爲兵端耳。

休戚與卿共之。命諸大臣坐。屏左右密語。楊榮首勸帝

親征。帝難之。張輔曰：願假臣兵二萬擒獻闕下。不足煩

至尊。榮曰：彼謂陛下新立。必不自行。故敢爾。以天威臨

之事。無不濟。臣請先驅。原吉曰：獨不見李景隆已事邪？

臣昨見所遣將。命下卽色變。退語臣等泣。臨事可知。且

兵貴神速。卷甲趨之。所謂先人有奪人之心也。榮言是

議遂決。越三日發京師。命鄭王瞻埈、襄王瞻埈居守。帝在

道。馬上顧謂從臣曰：卿等度高煦計安出？或對曰：樂安

城小。彼必先取濟南爲巢窟。或曰：彼曩不肯離南京。今

必引兵南行。帝曰：不然。濟南雖近。攻之未易下。聞大軍



計之高煦外強中怯。敢反者。以朕年少。新立。衆心未附。又謂朕不能自行。他將來以甘言厚利誘之。冀僥倖成事。今朕來已。膽落。敢出戰乎。至卽成擒耳。

帝至樂安。高煦降。遂班師。

高煦初聞薛祿將。喜曰。易與耳。及聞帝親征。始懼。其黨有自拔來歸者。帝厚賞之。令還諭其衆。復遣高煦書曰。張敖失國。本之貫高。淮南受誅。成于伍被。今六師壓境。王卽出倡謀者。朕與王除過。恩禮如初。不然。一戰成擒。或縛王來獻。朕雖欲保全。不可得矣。前鋒至樂安。高煦約詰朝出戰。帝聞。令大軍蓐食兼行。駐蹕樂安城北。諸將壁其四門。王斌等乘城舉礮。大軍發神機銃擊之。聲如雷震。諸將請卽攻城。帝不許。復再勅諭高煦。又以勅。



矢射城中。諭逆黨禍福。城中多欲執高煦獻者。高煦懼。密遣人請降。願假今夕訣妻子。明日出歸罪。帝許之。其夜高煦焚兵器及通逆文書火。通夕不息。昧爽帝移蹕城南。高煦將出城。王斌固止之。曰。寧一戰死。無爲人所擒。高煦給斌等復入宮。潛從間道出。爲官軍所執。帝以廷臣劾章示之。令爲書召諸子同歸京師。改樂安州爲武定州。命陽武侯薛祿兵部尙書張本字致中。東阿人。留鎮焉。

九月。帝還京師。遣使諭趙王高燧。

師還次單橋。

卽單家橋。注見前。

陳山迎謁。請乘勝襲彰德。執趙

趙王如果與高煦同惡。自當聲罪加誅。若其未與逆謀。豈可因樂安之事。遽臆猜疑。以傷親誼。建文削藩釀禍前鑒。非遙況高煦既

王楊榮以帝意令楊士奇草勅。士奇曰。太宗皇帝惟三子。今上惟兩叔父。有罪者不可赦。無罪者宜厚待之。疑



已就擒有何羽翼班虞必  
須剪伐乎陳山凱倡議移  
師聞言骨月其房長無異  
齊黃而愈邪更不可問幸  
而宣宗從楊士奇之說回  
子保全否則無後則幾不  
幾復效建文之盛議耶

則嚴防之使無虞而已。何遽加兵。傷皇祖在天意乎。時  
惟楊溥與士奇合。請皆入。以死諍。二人入。闕者不納。帝  
召蹇義。義以士奇言白帝。移兵事遂罷。至京師。帝語士  
奇曰。議者喋喋多言趙王事。奈何。士奇曰。趙王與陛下  
最親。陛下當保全之。無惑羣言。帝曰。吾亦思之。今欲封  
羣臣章示王。令王自處。何如。士奇曰。得一璽書。更善。帝  
從之。乃遣駙馬都尉廣平侯袁容壽州人。尚成祖女永安公主。等奉  
書。及羣臣所上章至趙。趙王大喜。已泣曰。吾生矣。即上  
表謝。且獻護衛言者頓息。自是帝待趙王益厚。而薄陳山。山尋入內閣。帝問楊士奇曰。陳山何如人。對曰。山寡學。昧大體。帝曰。然。趙王事幾為所誤。未幾。命輟機務。專授小內使書。張瑛亦出為南京禮部尚書。



廢高煦為庶人。

築室西安門內，謂之逍遙城，并其諸子錮之。王斌、朱恒等皆伏誅。長史李默以嘗諫免死，謫口北為民。天津山東諸都督指揮以預謀誅死者六百四十餘人。戍邊者一千五百餘人。帝親製東征記，備書其事。後數年，寧王高煦不從。一口帝往視之，高煦伸足勾帝，仆于地。帝命昇銅缸覆之。缸重三百觔，高煦頂負之，輒動。乃命積炭于其上，燃之。逾時火熾，銅鎔，高煦死。諸子亦死。

冬十月，釋李時勉于獄，復以為翰林侍讀。

李時勉以直言下獄，本屬仁宗過舉。宣宗設未審所言何事，豈容不加詳察，遽令縛付市曹，則其凌以盛怒，脅以嚴威，未嘗非鑒其無辜，故為曲折以顯其寃。

時勉既下獄，至是復有言其得罪先帝者。帝震怒，命校尉縛以來，又使即斬西市。毋入見。而時勉已為前校尉縛至。帝遙見，罵曰：「爾觸忤先帝，疏何語？」具數之。時勉曰：



有功臣之美但其獲罪所由宛非先朝盛德而必使之於大廷歷數始為嘆息稱忠將欲形已之長竟不復為仁宗少留餘地於心果何以自安且宣宗後此於陳祚請講大學衍義籍

大雷雨

臣言諒闇中不宜近妃嬪皇太子不宜遠左右帝聞氣稍平時勉數至六事止帝令盡陳之對曰臣惶懼不能悉記帝意益解曰是第難言耳草安在對曰焚之矣帝太息曰忠臣也立赦之復其官

十一月王通兵至交趾遇賊于應平

交趾舊縣屬交州府敗績叅贊

尚書陳洽死之

通未至交趾黎利弟善攻交州府都督陳濬擊却之叅

將馬瑛破賊清威

與下石室東關俱交趾舊縣屬交州府

至石室會通兵

亦至遂與之合進次應平之寧橋

臨沙河

諸將言地險惡

恐有伏宜且駐師覘賊通不聽麾兵徑渡人馬行泥淖



中不能成列。伏四起。軍大潰。死者二三萬人。通被創走。  
尚書陳洽。陷陳墜馬。左右欲扶還。洽叱曰。吾爲國大臣。  
報國正在今日。揮刀殺賊數人。自剄死。黎利在清化。聞  
之。自將精卒疾馳圍東關。通本無將畧。一敗卽氣沮。陰  
遣人許爲利乞封。不奉朝命。擅割清化以南地畀賊。令  
官吏軍民盡還東關。檄至清化。知州羅通不從。與指揮  
打忠攬城拒守。利移兵攻之不下。旣而利犯交州。通出  
兵擊之。賊大敗。斬其  
僞官以下萬餘級。利惶懼欲走。諸將請乘勝急擊。通猶  
豫數日。賊得樹柵掘壕塹。四出攻掠。遂分兵陷昌江。都  
指揮李任前後三十戰。力竭自剄死。復攻邱溫。邱溫去  
廣西憑祥止二宿。總兵官顧興祖擁兵不救。城遂陷。  
事俱在明年。昌江城在故諒江府南。  
邱溫城在故諒山府北。李任永康人。

十二月遣安遠侯柳升征黎利。黔國公沐晟自雲南引兵



會之。

帝聞王通敗。大駭。乃命升充總兵官。保定伯梁銘汝陽人。

副之。都督崔聚懷遠人。充叅將。尚書李慶字德孚。順義人。叅贊軍

務。帥師由廣西赴討。又命沐晟及興安伯徐亨。新寧伯

譚忠。從雲南進兵。敕通固守以俟。又以黃福仍兼交趾

布按二司事。與升等同行。

十二年春正月。南京地震。

是年。凡十有一震。

夏四月。晉王濟熿有罪。廢為庶人。

初。濟熿既構陷濟煥。事具前。幽其父子空室中。蔬食不給。

恭王宮中老嫗。走訴成祖。盡得其構陷狀。乃命釋濟煥。



封其子美圭爲平陽王。畀以恭王故田。濟熿靳不與。仁宗屢詔諭之。不聽。帝卽位。高煦反。濟熿與通謀。其黨至京自首。寧化王濟煥亦奏其弑母。事亦見前帝遣人察之。皆實。乃免爲庶人。幽之鳳陽。同謀者皆伏誅。

王通許黎利和。介其使上表。

利圍交州久。通閉城不敢出。利益易之。致書請和。上表謝罪。通欲許之。集衆議。按察使楊時習曰。奉命討賊。與之和而擅退師。何以逃罪。通怒。厲聲叱之。衆莫敢言。遂遣人偕利使至京。進表及方物。

秋七月。松潘番叛。遣都督同知陳懷合肥人等討之。

松潘衛當發軍戍交趾。將士憚行。千戶錢宏與衆謀詭。



言番叛。冀免調。都司果罷其役。而發軍討番。宏潛至番寨。脅以大軍將致討。逼取牛馬財物。番本不反。忽聞大軍且至。衆遂驚走。約生番爲亂。殺指揮陳傑。衆至五萬人。合攻松潘城。焚上下四關。及諸屯堡。又圍威茂疊溪。注見諸衛所。官軍屢戰皆敗。帝遣懷與指揮蔣貴。字大富。江人。合兵討之。而梟宏于松潘以徇。明年正月。官軍連敗賊復疊溪。招撫諸番三十餘寨。松潘平。命懷鎮其地。

令官吏軍民入米贖罪。

金作贖刑。古人欽恤之義。荷情有可矜。而罪非不赦。許其納米弛罪。亦未嘗不可。顧宜聽人之自贖。豈可不問其願與否。而強人使

自死罪至笞四十。分十等。納米百石至二石有差。納者贓罪得不死。徒流以下。皆復用。不能納者。雖笞杖。久繫不釋。往往至死。後以御史張純言。貧人罪輕者。始免追



從令無方者轉受無窮之累則是為利起見而非為仁行權矣

繫。

命都督僉事山雲

徐州人。

鎮廣西。

柳慶蠻韋萬黃等糾合獠獍

苗種名。

劫掠臨桂

唐縣今為桂林府治。

諸縣鎮遠侯顧興祖坐逮

以不救交趾。

命雲佩征蠻將軍印

充總兵官率官軍討之賊退保山巔壘石于藤俟官軍

至輒斷藤下之莫敢近雲夜束火牛羊角以金鼓驅向

賊賊亟斷藤下木石比明木石且盡衆譟而登斬首萬

餘級賊降雲乃築四城九堡傳舍九十餘區以鎮要害

初土官饋獻帥率受之然卒為所持雲聞府吏鄭牢剛

直召問曰饋可受乎牢曰潔衣被體一污不可復湔將

軍新潔衣也寧可污乎雲曰彼且疑奈何牢曰黷貨法



當死。將軍不畏天子法，乃畏土夷邪？雲曰：「善。」盡却之，由是土酋皆服。

九月，柳升師次倒馬坡。

在鵝陵關南。

遇伏死，諸軍盡歿。

升奉命久，俟諸軍集。至是，始抵隘，留關。黎利與王通已有成言，乃偽為國人書，詭稱陳氏有後，令其下詣升軍。

乞罷兵，立陳氏裔。升不啟封，遣使奏聞。趣進兵，連破關

隘數十，直抵鎮夷關。

即鵝陵關，永樂中更名。

升意殊輕賊，郎中史

安。

字志靜，豐城人。

主事陳鏞。

字叔振，錢塘人。

恐賊示弱以誘官軍，亟言

于李慶，請升持重勿輕進。時慶及梁銘皆病甚，強起告

升，都事潘禮。

郢人。

且引寧橋事為戒。升不為意。前至倒

馬坡，與百餘騎先馳度橋。橋遽壞，後隊不得進。升陷泥



淖中伏發。升中鏢死。從者皆歿。其父銘卒。明日慶亦卒。  
崔聚整軍至昌江。遇賊殊死鬪。賊驅象大至。陣亂。聚為  
賊所獲。誘之降。不屈。遂被殺。官軍或走或死。無一人降  
者。安鏞。裡及主事李宗昉。史無里系。皆死。黃福奔還。為守關  
關者力阻之。曰。公我父母也。公不歸。我曹豈敢至此。利  
聞饋白金餼糧。以肩輿送出境。福至龍州。以賊所遺歸  
之官。

冬十月。王通棄交趾。與黎利盟而還。

通聞柳升敗歿。益懼。更啗利和。教利立陳暠為陳氏後。  
詭言。暠實先陳王順三世孫。今訪得之。交人欲奉以為後。輒立壇。集軍民官吏與利  
盟誓。退師。因宴利。遺利錦綺。利以重寶賂通。通為馳上  
表。即引兵還。沐晟軍至水尾。聞已議和。遂引退。賊乘之。  
晟大敗。水尾交趾舊縣。屬歸化州。接雲



南

十一月詔赦黎利。罷交趾兵。悉召文武吏士北還。

鴻臚寺進黎利與柳升書。越一日。王通使以利所奉陳

昂表亦至。詞畧相同。帝覽之心知其詐。然欲藉此息兵。

乃以表示廷臣。命集議。張輔曰。此詐也。請益發兵討之。

臣期以一年擒賊。蹇義夏原吉亦以爲不可許。而楊士

奇楊榮知帝厭兵。且前有欲棄交趾語。

語具前

因力言許

利便。帝意遂決。廷臣不敢復爭。于是遣侍郎李琦羅汝

敬等齎詔撫諭交趾。赦除其罪。并諭利興滅繼絕意。令

其陳氏後人之實以間。敕召王通爲瑛及三司衛所府

州縣官吏盡撤軍民北還。詔未至。王通已由陸路還廣



西陳智及中官馬騏。山壽由水路還欽州。官吏軍民得還者八萬六千餘人。為賊所獲及拘留者不可勝計。交趾內屬二十餘年。屢叛屢討。及棄地罷兵。歲省軍興鉅萬。而中國兵威亦稍詘。自是遠夷朝貢多不至者。皇子生赦。

帝年三十。胡皇后未有子。而孫貴妃有寵。妃鄒平人。幼育宮中。有美色。帝即位。乃陰取宮人子為己子。帝以長子生大喜。寵立為貴妃。貴妃有加。

戊申三年春二月立子祁鎮為皇太子。即英宗。

立儲非善全之道向已屢論及之若由於臣下申請尤易滋流弊况其未離襁褓者乎乃宣宗皇子生甫八日而羣臣請立太子之疏已紛紛競陳有何迫不及待竟至於此徒知拘古

皇子生八日羣臣即上表請立為太子。皇后亦屢表請早定國本。貴妃佯驚曰。后病痊自有子。吾子敢先后子耶。帝不允。貴妃子遂立。



慕名而不審事體真不足  
當一噓而況其事出揣摩  
迎合耶

作帝訓成

凡二十五篇。

曰君德。奉天。法祖。正家。睦親。仁民。經國。勤政。恭儉。儆戒。用賢。知人。去邪。防微。求賢。祭

祀。重農。興學。賞罰。黜陟。卹刑。文治。武備。御夷。藥餌。帝自爲之序。復題其後以詔

子孫。

三月。廢皇后胡氏。立貴妃孫氏爲皇后。

太子旣立。帝以春秋母以子貴。將廢后而立貴妃。召諸

大臣言之。楊士奇以爲不可。翼曰。帝獨召士奇至武英

殿。密諭之。士奇曰。皇后今有疾。惟以疾辭位。遜居別宮。

則進退有禮。帝俞之。乃令后上表辭位。退居長安宮。賜

號靜慈仙師。而冊貴妃爲皇后。

胡后旣廢。張太后常召居清寧宮。至正統八年。

乃殂葬金山。天順間。追諡恭讓

皇后。金山在宛平縣西北。



宴大臣于西苑。

在今西華門西。明彭時賜遊西苑記。西苑在宮垣西。中有太液。周十餘里。池中駕虹

梁以通往來。橋東爲圓臺。臺上爲圓殿。其北卽萬歲山。山上有殿亭六七所。最高處。廣寒殿也。

帝命蹇義。夏原吉。楊士奇。楊榮等十有八人。從遊萬歲

山。復賜登御舟。泛太液池。帝指御舟曰。治天下猶此舟

矣。利涉大川。卿等之力也。

當是時。帝方勵精求治。諸大臣亦同心輔政。海內漸臻治

平。帝乃倣古君臣豫遊事。每首歲。許百官旬休。選勝宴樂。帝亦時遊西苑。諸學士皆從。問民間疾苦。賦詩賡唱。

朝野稱盛事云。

夏四月。詔自今官民建言。尚書都御史。給事中。會議以聞。

閏月。遣使撫輯河南流民。

工部郎中李新。自河南還。言山西饑民。流徙南陽諸郡。

不下十餘萬。官司遣人捕逐。民愈窮困。死亡日多。帝卽



遣官撫恤撥廩振之。

王通陳智等及內官馬騏山壽俱以棄交趾罪下獄論死。

時議以通棄地擅和騏恣虐激變罪為最重然帝皆不

誅長繫待決而已。顧興祖先被逮亦下獄沐晟為廷臣所劾帝不問封章示之。

五月贈恤交趾死事諸臣。

秋七月以顧佐字禮卿太康人為右都御史。

都御史劉觀雄縣人以貪被黜楊士奇楊榮薦佐廉公有

威尹京師政清弊革帝立擢佐右都御史賜敕獎勵佐

視事即奏御史不法及老疾者三十二人朝綱肅然佐

性嚴毅每旦趨朝小憩于外立雙藤戶側百僚皆旋折

避之入內直廬獨處小夾室非議政不與諸司羣坐人



朝官自有常祿卽或薪芻僕馬所費較多又豈可取給隸人致損清節乃當時相沿成俗雖以顧佐之廉公有素亦不免爲積習所移實非大臣潔清自矢之義宣宗旣知其失又因楊士奇之言而稔悉由來卽當別定章程以剔除積弊顧惟付之浩歎姑息因仍明知而不爲之禁則傷廉累下之風伊於胡底尙成何政體乎

稱顧獨坐云。都察院吏訴佐受隸金私遣隸歸帝密示楊士奇曰爾不嘗舉佐廉乎對曰有之朝官俸薄僕馬薪芻資之隸不得不遣半歸使出資免役歎曰朝臣貧乃如此因怒訴者曰朕方用佐小人輒敢誣之乃以狀付佐曰汝自治之佐召吏吏恐甚佐曰上命我治汝汝改行吾當貸汝帝聞謂佐得大體益喜。

八月罷北京行後軍都督府及行部。

初仁宗將還都南京命北京諸司悉稱行在。事見前。復設

行後軍都督府及行部至是罷之。諸司行在字至正統六年始去。

帝巡邊敗烏梁海之衆于寬河。在今喀喇沁左翼南源出寬山東流會額爾河入

盛京寧遠州界。

帝次石門驛。在遵化州西有鎮。聞烏梁海統率部衆萬餘人已

入塞乃留大軍于遵化。遼縣今爲州。而自率精騎三千人入



二騎持十日糧出喜峯口。注見前。遇敵于寬河。帝親射其

前鋒。殪三人。分鐵騎爲兩翼夾擊之。飛矢如雨。神機礮

並發。烏梁海部衆潰敗。人馬死者過半。帝親率百餘騎追奔。其衆望見黃龍旗。悉下馬羅拜。請降。明日。命諸將搜山谷。獲軍器馬駝。不可勝計。

冬十月。命中官郭敬鎮守大同。

武安侯鄭亨久鎮大同。治軍嚴肅。撫士卒有恩。常云大同我國家後門。我死。後來者何人。幸勿壞我家事也。時內官在邊。總兵官畏之。惟亨與敬議事無所撓。亨卒。敬始縱恣。

己酉四年春正月。兩京地震。

北京是年震者三。南京震者七。

夏四月。命工部尚書黃福。平江伯陳瑄。經畧漕運。

大臣督漕自此始。

詔贓吏不得贖罪。

御史王翱

字九臯。鹽山人。

言。官吏害民。蠹政。贓犯爲甚。今官吏

罪無輕重。運磚復職。是貪贖者幸免。廉潔者鮮勸。非爲治之道也。請自今。贓吏坐死。但許贖罪。不許復官。從之。未幾。文職有贓。罪納米者。吏部請降一級用。帝曰。納米。乃一時之權宜。懲貪爲立國之大法。自今。文職官吏犯贓者。悉依律治。

六月初。設鈔關。



洪武定制有商稅而無船稅至是戶部以鈔法不行請

行納鈔例御史羅亨信

字用實東莞人

等亦言之乃沿兩京水

道設關收鈔于是置溇縣濟寧徐州淮安揚州上新河

在南

潁野在蘇州

九江金沙州

在湖廣

臨清北新

在杭州

諸鈔

關量舟大小修廣而差其額謂之船料不稅其貨惟臨

清北新則兼收貨稅

冬十月帝製猗蘭操賜大臣

又諭蹇義等曰薦賢爲國大臣之道卿等宜勉副朕懷

庚戌

五年春正月少保兼太子少傅戶部尚書夏原吉卒

諡忠靖

靖

原吉與蹇義皆起家太祖時義秉銓政原吉筦度支俱

二十七年。時稱蹇夏。及是原吉卒。贈太師。原吉有雅量。嘗曰。處有事。

當如無事。處大事。當如小事。若先自張皇。則此中無事。何能應事。嘗與同列飲他所。夜歸。值雪。過禁門。有欲無下者。原吉曰。君子不以冥冥墮行。其敬慎如此。

二月。下詔寬卹。

帝以春和。將下詔寬卹。先諭楊士奇。欲蠲免災糧。寬民間追償畜馬。士奇對曰。聖念及此。真民生之幸。但今當寬卹者。尙不止此。因請免積欠薪芻。量減官田租額。部符採買。當拔土宜。法司理刑。務敦平恕。工匠在京者。宜分戶丁之半還家。帝悉嘉納。命士奇卽草勅行之。

帝奉皇太后謁長陵。獻陵。

帝親繫韉。騎導太后輦。至清河橋。清河。注見前。下馬扶輦。畿



民夾道拜觀。陵旁老穉皆山呼迎拜。太后顧曰。百姓戴君。以能安之耳。皇帝宜重念。帝奉太后過農家。召老婦問所業。賜鈔幣。有進蔬食酒漿者。太后取嘗之。以與帝曰。此田家味也。皇帝宜知之。扈從臣張輔。蹇義。楊士奇。楊榮。金幼孜。楊溥。見太后于行殿。太后慰勞之。帝還。見道中耕者。取其耒三推。顧侍臣曰。朕三推已不勝勞。况常事此乎。賜之鈔。凡所過農家。皆賜之。

夏五月。擢郎中。兄鍾。

字伯律。靖安人。

等九人爲知府。賜勅遣之。

帝以知府多循資格不稱任。會雄劇地九郡缺守。命大

臣舉京官廉能者用之。乃擢鍾。

知蘇州。

及郎中趙豫。

字定素。安

肅人。知

莫愚。

臨桂人。知

羅以禮。

桂陽人。知

員外郎陳本深。

字有

松江。

豪強不鋤則不足以安良  
扶弱興利除害惟真循吏  
能為之至於慈祥愷悌僅  
可論其宅心而果決剛明  
必當濟以蒞事能吏循吏  
雖有兩稱究歸一轍也必  
以豫為勝鍾豈知治體者  
哉

源。鄞人。邵晏。知武昌。皆失其里系。御史何文淵。字巨

川。廣昌人。陳鼎。知建昌。等皆賜勅。俾馳驛之任。其冬復

用薛廣等二十九人。亦如之。後鍾等皆著聲績。有居官

至一二十年者。吏稱其職。民安其業。一時蒸蒸。稱極盛

焉。蘇松隣郡。兄連在蘇州。其為政。務鋤豪強。植良弱。興

利除害。不遺餘力。民有兄太守。民父母之歌。趙像在

松江。一意拊循。與民休息。在職十五年。尤以愷悌稱。及

去。老穉攀轅。留一履以誌遺愛。時論謂鍾為能吏。而豫

為循吏云。

六月。遷開平衛于獨石。即今獨石城。在宣化府赤城縣東

北。獨石口南。本元雲州地。明移開

平衛于此。今設副將同知駐防。

洪武初。設開平衛。置八驛。東接大寧。古北口。西接獨石。

永樂間。大寧既棄。開平勢孤。至是。遂徙開平衛于獨石。



棄地三百里。盡失龍岡。灤河。注俱見前。之險。邊備益虛。

遣使捕畿內蝗。

諭戶部曰。往年捕蝗之使。害民不減于蝗。宜知此弊。因作捕蝗詩示之。

秋八月己巳朔日食。

陰雨不見。禮部請表賀。不許。

命工部尚書黃福總理畿南。山東。河南。淮北。屯田。尋罷。

福上言。永樂間。營建北京。南征交趾。北伐沙漠。費用未嘗缺乏。比國無大費。而資用僅給。卽不幸有水旱征調。何以濟之。臣請役操備營繕軍十萬人。于濟寧以北。衛輝真定以東。緣河屯種。歲可得米一百萬石。帝善之。遣

郎中趙新等經理福總其事。兵部尚書張本言：軍民各有常業，若復分營田役，未免勞擾。事遂不行。

九月，以周忱爲工部侍郎，巡撫南畿。

帝以天下財賦多不理，而江南尤甚，思得才力大臣往釐之。乃用大臣薦，擢忱巡撫南畿，兼督稅糧。許便宜行

事。

忱浮沉郎署幾二十年，稍遷越府長史。及是以楊榮薦，遂被擢用。

忱至，卽召父老訪

悉逋稅故，設法以次理之。時蘇州逋賦最多，

積至八百萬石。而

賦額亦較他府獨重。官民田租共二百七十餘萬石，而

官田乃至二百六十二萬石，民不能堪。帝屢詔減之。忱

與知府况鍾曲算累月，減至七十二萬餘石。他府亦以

次減。民困獲甦。

先是，胡榮爲巡撫，用法嚴。忱一切治以簡易。凡告訐輒不省，或面訐忱，公不及。



周忱巡撫南畿如興水利減淨糧設倉濟農一切實心措置善政頗多誠非苟且塗飾者所可及若其告訐不省一事則不得謂之無失蓋多事固虞其擾民而刁健必宜於懲治況南人好訟自昔已然誠能處置一二以警其餘庶奸徒知所斂跡若一鑿置之不問則小人益無所顧忌勢必聞風競起案牘日滋於民又何利乎至忱繼胡縣之後寬猛相濟張弛因乎其時欲為簡易以便民未嘗不可但因人而計而以勅旨為解則殊碍於理豈知除害安民本非二事去

胡卿忱笑曰胡卿勅旨。在驅除民害。朝廷命我。但云撫安軍民。委寄正不同耳。及在江南既久。與吏民相習。若家人父子。每行村落。屏去騶從。與農夫餉婦相對。從容問疾苦。為之商畧處置。其馭下。雖卑官冗吏。悉開心訪納。遇長吏有能者。則推誠與咨畫。務盡其長。故事無不舉。嘗相視水利。督濬崑山。嘉定諸浦。時以匹馬往來江上。見者不知為巡撫也。始與忱同命者。北畿山東曹弘。湖廣吳政。由員外郎。江西趙新。浙江趙倫。由郎中。河南山西于謙。由御史。皆擢侍郎。為巡撫。而忱與謙任最久。政績亦最著。于謙字廷益。錢塘人。

冬十月帝巡邊至洗馬林。注見前。閱武而還。

十二月兩京地震。

北京震者一。南京震者四。

辛亥六年春三月命考察外官自布政按察二司始。

夏六月命黎利權署安南國事。

三年夏李琦還自交趾黎利遣使奉表謝恩詭言陳暲

稂莠正所以植嘉禾而保  
善良亦豈得不鋤敗類徒  
高言清淨而務為姑息養  
奸又安能盡撫綏之實耶

微行至臣下私居惟宋太  
祖之於趙普曾一行之其  
意或在於陰行伺察然已  
不可為訓若宣宗果思士  
奇一言何難宣召入對而  
必以昏暮降臨乎迨後武

物故陳氏子孫已絕。國人推利守其國。以俟朝命。帝知  
陳氏卽有後。利亦必不言。然以封利無名。復遣使齎勅  
諭利。及其國人。令遍訪陳氏之子孫。并盡還官吏軍民  
及兵器之留其國者。利亦再遣使奉表。并具頭目耆老  
奏。堅言陳氏無後。仍為利乞封。帝乃遣禮部侍郎章敞  
字尚文。齎勅。命利權署安南國事。利雖受朝命。其居國  
會稽人。則稱帝。紀元順天。建  
交州府為東都。清華府為西都。分十三道。各設  
承政。憲察。及總兵使司。其制度多僭擬中國云。  
秋七月。帝微行。

漏下十二刻。帝從四騎。幸楊士奇宅。士奇倉皇出迎。頓  
首曰。陛下奈何以宗廟社稷之身自輕。帝曰。朕思卿一  
言。故來耳。越數日。帝遣內官問士奇。微行有何不可對



宗璉爲故事遂乃馳騁自  
如宣府大同盤遊不反皆  
宣宗貽謀之不善有以啓  
之耳

轉漕之法明季屢更迄無  
良策蓋輸將雖閭閻之職  
而飛輓則宜掌之在官若  
令里老承值富戶充當卽  
使全無苛擾而常賦外已  
多一力役之征後雖改爲  
支運而尙令民運至中途  
及陳瑄等議行兌運似乎  
斟酌變通然不以收納實  
之有司交兌歸之水次仍  
令軍民私相授受且兌運  
與支運參行法不歸於畫

曰陛下尊居九重幽隱豈能遍洽萬一冤夫怨卒窺間  
竊發誠不可不慮後旬餘獲二盜如士奇言帝語士奇  
曰今而後知卿之愛朕也

冬十月令官軍兌運民糧

北京初建水陸轉漕皆用民運會通河旣開陳瑄改用

官軍支運

造淺船三千餘艘分遣官軍就近  
輓運交淮徐德通四倉名曰支運

旣而官軍

多所調遣仍用民運道遠數違期會黃福與瑄董理漕

事福請復支運法

在四年

令江西湖廣浙江江南北諸郡

民轉粟于淮徐臨清各倉而令官軍接運至京至是瑄

上言民運糧諸倉徃反經年失悞農業若令民兌與附

近衛所官軍運載至京量給耗米及道里費則軍民交

一民聞益無所適從強弱不均弊端百出非恤民之善政也

便帝命黃福等議行之。謂之兌運。又命廷臣議定則例。耗米以地遠近爲差。民有運至淮安兌軍者。耗減十之四。如兌運不盡。仍令民自運至倉。其不願兌者。聽其自運。兌運與支運參行。軍既加耗。又給輕齎銀爲洪關謂徐呂二洪及會盤撥費。且得附載他物。皆樂從。而民亦以遠運爲艱。由是兌運多。而支運者少矣。

十二月。中官袁琦有罪。伏誅。

琦自幼侍帝。恃恩縱肆。擅遣內官內使假採辦名。虐取官民財物。事覺。下錦衣衛獄。籍其家。金寶千萬計。服用僭侈非法。遂磔琦。併戮其黨十餘人。仍命都察院榜琦罪示天下。

太子少保武英殿大學士金幼孜卒。

諡文靖。



幼孜病革。家人囑請身後恩。幼孜曰。此君子所恥。不聽。及卒。贈少保。

壬子七年春正月辛酉朔日食。

賜中官金英。范洪交趾人免死詔。

三月復下詔寬卹。

刑賞乃馭下大權。免死之券。賜諸功臣。尚且不可盡執法。則有反汗之虞。而曲貸易啓扞網之弊。仁義之施。且由此而交困矣。至金英等。本宮中小豎。並未聞稍著微勞。有何勲績足錄。竟至詔書有死。且從而褒美之乎。不知閹宦輩小人難養。若控馭得宜。尚謹守不敢干犯。少不檢察。則蕩佚者有之。況假以護符。縱之玩紀。蹈愆乎明室。寵任宦官之弊。至英宗而大壞。

帝召楊士奇諭曰。卹民詔下已久。今更有可卹者乎。士奇因請撫流民。減稅課。察貪吏。薦賢能。京官三品以上。及布按二司。各舉所知。備方面郡守選。軍民中有文學勇畧者。羣臣察舉以聞。極刑家子孫。皆得仕進。帝從之。夏六月。修天下府州縣倉。

巡察湖廣御史朱鑑言。洪武年間。府州縣四鄉。皆置倉。

宣宗此舉固已開其漸矣

積穀多者萬餘石。少者四五千石。倉設老人監之。富民守之。遇水旱。以貸貧民。今皆廢毀。宜遵舊制。俾旱澇有資。從之。

作官箴。戒百官。

凡三十五篇。

秋七月。揭幽風圖于殿壁。

帝閱內庫書畫。得元趙孟頫所繪幽風圖。賦詩一章。命侍臣書于圖右。而揭諸便殿之壁。嘗夏日午朝。退語侍臣曰。天氣向炎。正農夫耕耘時也。因咏聶夷中鋤禾日當午句曰。吾每誦此。未嘗不念農人。

八月。宥誹謗者罪。

妄男子敢至禁門呼訕國有常刑自當執付法司按



律以治初無庸好異矜奇也。執至帝前已爲非禮呼。仍不已則罪更無可寬宣。宗乃比之設謗木以來諫。釋而不誅。儼既不倫。宥尤過縱。皆好古而不衷於道之失也。

有男子大呼西華門外。語涉訕誹。守門者執至帝前。呼仍不已。羣臣請下法司。帝曰。聖人之世。設誹謗木以來。諫者此人寧可罪邪。其釋之。

### 置蘇州府濟農倉。

故時公侯祿米。軍官月俸。皆蘇松民輸。南京戶部給之。

石加米六斗。周忱請就給蘇松。止與船價米一斗。餘存

米共四十萬石。并官鈔平糴米。

時江南大稔。忱奉詔。令諸州縣以官鈔平糴。

共得七十五萬石有奇。置倉貯之。又每歲民糧起運。羨

餘存貯在倉者。日餘米。皆書諸冊。而官掌之。貧民借貸。

及綱運風漂盜奪者。皆資給焉。秋成抵數還官。忱與况

鍾定條約以聞。帝悉允行。名其倉爲濟農。久之。歲有餘

羨貧民不能償者多不追取忱在任二十年百姓不知凶荒兩稅未嘗逋負後之巡撫江南者莫及焉

癸丑

八年春三月賜曹鼐字萬鍾寧晉人等進士及第出身有差

鼐初由鄉舉授訓導願就別職改泰和縣注見前典史七

年督工匠至京疏乞入試復中順天鄉試及是舉進士

一甲第一賜宴禮部進士宴禮部自鼐始

秋閏八月西域貢麒麟

景星見

禮官請表賀不許

甲寅九年秋八月衛拉特托歡襲殺韃靼阿魯台于穆納山

在今烏喇特旗西舊作毋納山今改



托歡遣使來告。且獻玉璽。帝賜勅曰。王殺阿嚕台。見王克復世仇。甚善。顧王言玉璽傳世久近。殊不在此。王得之。王用之可也。賜遣之。阿嚕台子諤博爾濟延舊作阿卜只俺

今改。來歸。

九月。帝巡邊。至洗馬林。還。

諸將言衛拉特獵所。去洗馬林不遠。襲之。可大克也。帝召問楊榮。榮對曰。陛下屢遣人招諭。命其近邊獵牧。故感恩而來。若擊之。是前敕誘之矣。且彼聞上至。必先遁。雖擊何益。徒失戎心耳。乃止。

冬。十月。松潘番叛。都督僉事方政討平之。

松潘諸族。

明史土司傳。松潘衛領占。藏先結等十八族。長官司。

及空郎。龍溪諸寨。

方輿紀要。松潘衛南歸化。番叛。帝屢命陳懷討之。寇如關左右。有龍溪諸番寨。故乃召懷歸。命政與都督蔣貴討之。政至。榜諭禍福。威茂諸番悉降。惟松潘猶梗化。政等連破三十餘寨。寇平。遂留政鎮守松潘。

乙卯

十年春正月帝崩太子祁鎮卽位。是爲英宗

遺詔國家重事白皇太后行。時太子方九齡。外廷傳言太后取金符入內。欲召立襄王。楊士奇楊榮率百官入臨。請見太子。太后卽至乾清宮。攜太子泣曰。此新天子也。士奇等伏謁呼萬歲。浮議乃息。

罷金銀硃砂銅鐵坑冶。免其課。

減稅鈔



悉如洪武舊額

少師兼吏部尚書蹇義卒

諡忠定

義歷事六朝凡五十年。及是卒。贈太師。

義與夏原吉聲譽相埒。朝議推

義善謀。原吉善斷。有古大臣風烈。而義尤厚重質實。善處僚友間。未嘗一語傷物。至議典法。不苟爲包容。上前

所言。退不敢以語人。

罷十三布政司鎮守中官。

其守備南京鎮守諸邊收糧徐州臨清巡鹽淮浙者如

故。

加戶部尚書黃福少保。叅贊南京機務。

留都文臣叅機務自福始。

時襄城伯李隆守備南京。福以叅贊嘗坐隆側。然隆待福

禮甚恭。公退卽推福上坐。福亦不辭。福過事先籌定。付隆。隆悉從之。由是政肅民安。遠近悅服。

鎮守中官與唐世監官與政山壽等激亂交趾已事可徵卽議撤除于初政誠爲有益但收糧巡鹽諸均係民生國計亦非可任中涓至南京守備諸鎮守更儼然參贊軍謀其視各布政司權寄尤重正當首行議罷爾時三楊執政不思永靖根株乃復

顧首尾使尙留萌蘖不久而瑞思復熾遂不可除葉溥等豈得辭其咎哉

二月尊皇太后爲太皇太后。

左右有請垂簾聽政者。太后曰。毋壞我祖宗法。第罷不急務。斥宮中玩好之物。時時勗帝嚮學而已。朝廷大政。羣臣白太后。太后令悉送內閣。俟楊士奇等議決。然後行。太后兄彭城伯景。都督昇。惟令朝朔望。毋得與聞國政。昇素賢。士奇等請加委任。太后終不許。

尊皇后爲皇太后。

封弟祁鈺。

宣宗次子。賢妃吳氏出。

爲郕王。

封平陽王。美圭爲晉王。

晉自濟熿廢後。不立王者已八年。至是以美圭紹封。

以禮部尙書楊溥復入內閣預機務。



溥自四年秋母喪起復至是與楊士奇等復同直內閣  
三月放教坊司樂工

凡三千八百餘人

江西盜作亂僉事彭森等討平之

時連年水旱有司不能振卹大盤山

在撫州府樂安縣西北山延袤數十

里跨新淦永豐二縣界

賊曾子良等爲亂衆至三萬屢撫不服森

與吉安知府陳本深率官軍民壯討之本深以計擒斬  
子良餘衆潰散

詔死罪必三覆奏

以元儒吳澄從祀孔子廟庭

夏五月詔自今初任者不得除風憲官

六月葬景陵。

在天壽山東長陵之北。

謚曰章皇帝。廟號宣宗。

明史贊曰。宣宗卽位以後。吏稱其職。政得其平。綱紀修明。閭閻樂業。蓋明興至是。歷年六十。民氣漸舒。蒸然有治平之象矣。若乃強藩猝起。旋即削平。掃蕩邊塵。狡寇震懾。帝之英姿虎畧。庶幾克繩祖武者歟。

秋七月。太白經天。

九月。詔四方毋進祥瑞。

龍州宣撫司

此四川龍州。今龍安府是。

以瑞麥獻。有一莖六穗七穗。

者。詔曰。今旱蝗相望。獨一方稱瑞。如天下饑民。何自今有若此類者。毋獻。

釋御史陳祚。

字永錫。吳人。

主事郭循。

字循初。廬陵人。

于獄。復其官。

宣德間。祚請講大學衍義。帝怒曰。祚以朕爲未讀大學。



邪。薄朕至此。不可不誅。命籍其家。逮其親屬。同下錦衣獄。婦女發浣衣局。時拓西內皇城。修離宮別館。循為刑部主事。極諫。帝怒。命裹以氈。至大內親詰之。循對不屈。帝益怒。手射之。亦下錦衣獄。至是皆赦復職。

以王振蔚州人掌司禮監。明史百官志。內官十二監。司禮監有提督。掌印。秉筆。隨堂。各太監。為

內官最要職。

振狡黠多智。事仁宗于東宮。宣德初。寢用事。帝為太子。

朝夕侍左右。及即位。命掌司禮監。寵任之。太后嘗遣振至內閣問事。

楊士奇擬議未下。振輒施可否。士奇慍。三日不出。太后問故。楊榮以實對。太后怒。鞭振。仍令至士奇所謝罪。且

戒曰。再爾必殺無赦。自是問數日。太后必遣使至閣。問連日曾有何事來議。如何施行。令具帖以聞。

冬十月。詔天下衛所皆立學。

自宣德間。袁琦伏法。內官已稍知斂戢。英宗幼年踐祚。政在三楊。當整齊宮府。使宦豎有所顧忌。而少主亦不致狎近。宵人現以太后委寄之專。計從言聽。王振雖為英宗所寵。而冲齡指命。並非不可挽回。而振權任未重。亦非有不可救之勢。又何難密啓重朝。力加裁制。乃三楊不早為防微杜漸。輔導之職。所關

實多矣。據前舊司禮即欲參預閣事。恣橫之機已萌。又不能力持守正。士奇徒爾臥家。不出於事。何裨使非太后之問。得以少遏凶邪。則振之。遂延臣置行。威福又何待八年以後乎。英宗信用奸璫。其失固不待言。而養成巨患。致貽禍國。家於三楊。誠不能無責也。

十一月戊辰朔日食。

命楊士奇、楊榮、楊溥議臣民章奏。

太皇太后委任三人。三人同心輔政。士奇有學行。通達

國體。榮謀而能斷。溥有雅操。淳謹小心。每議事。士奇引

古義。榮出一言決之。諸大臣爭可否。或有違言。溥舍已

從人。畧無繫吝。時論賢之。號三楊。以居第曰士奇曰西

書郡望曰南郡。因目爲南楊。

阿爾台寇甘肅。總兵官陳懋擊敗之。

阿嚕台既死。其所立阿爾台王子及所部多爾濟巴勒

等爲托克托布哈。舊作托都。不花。今改。所窘。竄額齊訥。外爲納款。

而數寇甘涼。至是陳懋連敗之。追至蘇武山。在京州府鎮番縣東。



南。山右有蘇而還。托克托布哈者。元後衛拉特托歡既武廟。因名。殺阿魯台。欲自立為汗。眾不可。乃立托克托布哈而奉之。實不承其號令也。

英宗皇帝。

丙辰正統元年春正月發京軍屯田畿輔。

楊士奇言。國家歲用糧儲。皆自東南轉運。軍民勞苦。今京軍操練外。餘卒尙多。宜令于北京八府屯田。可省南方轉運之費。從之。

三月始御經筵。

楊士奇。楊榮。楊溥。請開經筵。并擇老成重厚識達大體者數人。以供侍講之職。太皇太后然之。命士奇。榮。溥。及侍講學士王直。字行儉。泰和人。等。為經筵官。每十日會講文華。

殿宣德前儒臣進講無定日亦無定所至是定于餘日  
文華殿以月之初二。十二。二十一。三。日為講期。餘日  
仍令講讀官四人入講經史。

夏五月始置提督學校官。

南京戶部尚書黃福言。北來生員學藝疎淺。宜令布政  
按察一司。遍歷考試。庶得真才。于是兩畿及十三布政  
司各置提督學校官一員。兩畿以御史。十三布政司以  
按察司僉事著為令。

秋七月復聖賢後裔。

令有司訪求南宋衍聖公孔端友。

從高宗南渡居衢州事具前及宋

儒周敦頤。程顥。程頤。司馬光。朱熹。後裔。蠲其徭役。祠墓  
傾圯者修之。



兩畿山東河南陝西湖廣廣東大水。

八月始徵金花銀入內承運庫。

初州縣歲賦有折銀者俱送南京供武臣俸祿及北京  
既建各衛官支俸南京道遠費多所餘無幾至是副都  
御史周銓請于直省不通舟楫之州縣折收白金布絹  
赴京充俸巡撫江西侍郎趙新亦爲言帝問尙書胡濙  
字源潔濙言太祖時嘗行之民以爲便。洪武中天下稅  
武進人代輸于是謂米麥爲本色。糧許民以銀鈔  
色諸折鈔者謂之折色乃倣洪武制米一石折銀二錢  
五分麥亦如之南畿及浙江江西湖廣福建廣東廣西  
共折銀百餘萬兩不送南京盡解內承運庫謂之金花  
銀除給放武臣俸餘專供內用其後槩行于天下自起

運兌軍外糧四石折銀一兩解京以爲永例由是諸方賦入折銀者幾半而倉廩之積漸少矣

九月封黎利子麟爲安南國王

初利死以其子麟權知國事至是帝以陳氏宗支旣絕麟事朝廷甚恭遂遣使齎勅印往封之

冬十一月詔廷臣舉堪任御史知縣者各一人

十二月下兵部尙書王驥

字尙德東鹿人

于獄尋釋之

王振初用事欲令朝臣畏已會驥議邊事五日未奏振教帝召驥面責之曰卿等欺朕年幼邪遂執驥及右侍

郎鄺埜

字孟質宜章人

下獄尋釋之未幾右都御史陳智劾張

輔同奏稽延并劾科道不舉奏帝釋輔不問杖御史給



事中各二十。自是言官承振風指。屢撫大臣過。自公侯駙馬伯。及尚書都御史以下。無不被劾。或下獄。或荷校。甚至譴謫。殆無虛歲。

丁巳二年春正月。太皇太后召見大臣于便殿。

太后御便殿。帝西面立。后傍。召張輔。楊士奇。楊榮。楊溥。

胡濙入見。五人東面稍下立。太后諭曰。卿等老臣。嗣君

幼。幸同心共安社稷。又召溥前日。先帝念卿忠。屢形愁

嘆。不意今復得見卿。溥泣。太后亦泣。左右皆悲愴。始仁宗為

太子時被讒。宮僚多下獄。溥及黃淮一繫十年。屢瀕于死。仁宗每于宮中言及東宮時事。慘然泣下。以故太后

言之。太后又顧帝曰。此五臣先帝簡任。俾輔後人。皇帝萬

幾宜與五臣共計有頃。宣王振至。太后頓怒曰。汝侍皇

誠孝太后既對諸大臣數  
言王振且以勿加振頸不

得謂無必殺之心使五臣能因勢而贊成之則去大勢易如反掌乃五臣不但顯言其惡且爲之長跪致請轉若重爲申救者良由諸臣阿順幼主爲身後計故爾隱忍保全致貽奸惡之禍而不得諍之誠孝太后之優柔寡斷矣且如太后於兄景昇皆禁其不得干預國事可謂深知大體而三楊則於景昇請加委任私意揣摩若此又奚有於王振乎

帝起居多不律。今當賜汝死。時女官雜佩刀劍侍。遂以刃加振頸。帝跪爲振請。五臣皆跪。太后曰。皇帝年幼。豈知此輩。自古誤人國家。我聽帝暨諸大臣留振。此後不得令干國事也。振故心憚太后。自此稍斂戢。已而太后病。遂跋扈不可制矣。

夏五月。遣王驥經理甘肅邊務。

韃靼阿爾台及多爾濟巴勒數寇甘涼。邊將失利。帝命

驥往。許便宜行事。先是都督蔣貴追敵魚海子。

在今涼州府鎮

番縣東北。卽白亭海。古休屠澤也。

將及之。都指揮安敬以前無水草。遂

引軍還。巡撫甘肅都御史曹翼奏之。帝命驥責貴狀并戮敬。驥秘之。疾馳至軍。大會諸將。問往時魚海子先退



者為誰。僉曰：安敬。乃即縛敬，斬軍門。責貴曰：汝大將，亦

當死。姑貸汝，立功自贖。諸將皆股慄，莫敢仰視。于是校

閱將士，分兵畫地，使各自防禦。邊境肅然。尋還報命。會

阿爾台復入寇，帝命驥帥都督任禮

字尚義，臨漳人。

蔣貴擊之。

驥遣貴為前鋒，而自與禮統大軍繼進。戒貴曰：不捷，無

相見也。貴擊敵石城。

在甘州府邊外，故居延城北。

走之。驥及禮復敗。

之胡桐林。

與下多喇溝、黑泉俱在額齊訥地。按胡桐，木名。漢書西域傳注：胡桐似桐，蟲食其葉而沫。

出下流者，俗名胡桐淚，可以汗金銀。即此。舊訛作梧桐林，非是。

又及之多喇溝。

舊作刀力溝，今

改。

窮追至黑泉而還。是役，官軍出漠千餘里，諸將左右

夾擊，殲敵幾盡。先後獲其部長百五十人。阿爾台多爾

濟巴勒皆遠遁。尋為托克托布哈所殺。

詔旌出穀振荒者爲義民。復其家。

六月。以宋儒胡安國。蔡沈。真德秀。從祀孔子廟庭。

秋九月。以指揮僉事楊洪。

字宗道。六合人。守備獨石。

洪初副李謙守備赤城獨石。謙老而怯。與洪不相能。洪嘗勵將士殺敵。謙笑曰。徒殺吾人耳。敵可盡乎。御史張鵬劾罷謙。遂以洪代。洪紀律嚴明。烽堠修飭。數與烏梁海戰。斬其酋。威名聞嶺北。稱楊王。

戊午三年春二月。京師地震。

夏四月。設大同馬市。

與衛拉特互市也。

六月。旱。錄囚。



秋陝西饑。

令雜犯死罪以下輸銀贖罪。送邊吏易米振之。

冬十一月。逮天下逋逃工匠四千餘人。

宣德間。徵天下軍民工匠。多所興造。帝卽位。悉罷之。未幾。建宮殿。修九門。改造五府六部諸司公署。又建京城內外諸佛寺。工役繁興。匠多逃者。二年二月以後。已逮六千餘人。至是。又逮四千二百餘人。後又逮萬人。逮至者。皆桎梏赴工。六年夏。以盛暑。始脫桎梏。

已

四年春三月。遼王貴烺

簡王植長子。

有罪。廢爲庶人。

貴烺杖殺長史。謫荊州知府。爲撫按官所劾。帝亦聞其內亂。召訊具伏。廢爲庶人。

已封其弟貴燬爲遼王。

夏五月京師大雨水溢。

壞官廨民居三千三百餘區貧民露宿長安街皆滿。

六月彗星見。

長丈餘五十四日乃滅。

京師地震。

八月又震。

庚申五年春正月少保南京戶部尚書黃福卒。

福歷事六朝多所建白安南貢使入朝或指福問曰識

此大人否對曰南交草木亦知公名安得不識其卒也。

贈諡不及士論惜之。

成化初贈太保諡忠宣。

二月以翰林院侍講學士馬愉

字性和臨朐人。

侍講曹鼐入內閣。

預機務。



楊榮謂當擇後生可任者一言而釋振意其計慮誠高於士奇然亦不過善自爲謀耳若云進賢以輔政則殊不然夫以三楊同心政府老成之望歟歷之久併力以圖尙於奸罔不能絲毫貶損後之資新望淺者又安冀其與之相抗耶

王振至內閣語楊士奇楊榮曰朝廷事久勞公等公等皆高年倦矣當若何士奇曰老臣盡瘁報國死而後已榮曰不然吾輩衰殘無以効力當擇後生可任者報聖恩耳振喜而退士奇咎榮榮曰彼厭吾輩矣一旦內中出片紙令某人入閣且奈何及此時進一二賢者同心輔政尙可爲也士奇以爲然翌日列愉龔及侍講學士苗衷字秉燹侍講高穀字世用揚州興化人名以進四人皆帝初等所薦定遠人愉龔遂先被擢用

夏六月兩畿山東河南浙江江西大水江河皆溢

陝西大雨雹

深尺餘

度僧道二萬餘人。

王振喜釋道。每歲必一度之。是年五月以前已度二萬一千人。至是又度前後共二萬二千三百餘人。黃冠緇服。布滿街市。僧道之多。莫逾于此。

秋七月。遣侍郎何文淵等。分行天下。修荒政。

從楊士奇請也。時太皇太后。專以養民爲務。每四方水旱振濟。動億萬計。蠲免災糧。或數百萬石。閭閻安樂。雖災不爲害。迨王振用事。悉反初政。惟蠲租振荒。尙仍之。不改云。

少師謹身殿大學士楊榮卒。

諡文敏。

榮乞歸省墓。比還。至杭州卒。贈太師。授世襲都指揮使。



榮歷事四朝。謀而能斷。成祖初。與解縉等七人同人閣。榮年少。最警敏。一日。寧夏報被圍。成祖示以奏。榮曰。寧夏城堅。人皆習戰。奏上已十餘日。圍解矣。夜半。奏至。圍果解。成祖與諸大臣議事未決。或至發怒。榮至。輒霽威。事亦隨決。李時勉。夏原吉。皆以榮言得無死。或謂榮處國家大事。隨機應變。不愧唐姚崇。而不拘小節。亦頗類之。

冬十一月。河南僧楊行祥。詐稱建文帝。下錦衣衛獄。尋死。

有僧年九十餘。由雲南至廣西。自稱建文皇帝。詣思恩府。土官知府岑瑛。執送總兵官柳溥。升之械至京。會官鞫之。

紀事本末云。僧稱年九十餘。且死。思恩葬祖父陵旁耳。御史言。建文君生洪武十年。距正統五年。當六十四歲。何得九十歲。僧乃言其姓名為楊行祥。河南鈞州白沙里人。洪武十七年。度為僧。歷遊兩京。雲南貴州。至廣西。帝令錦衣衛錮禁之。四踰月死。從者十二人。皆戍邊。

楊行祥之事。無識者或以為疑案。不知遼國之說。本屬荒唐。當時謬語流傳。既久。民間遂信以為真。且其去革除時代。漸遠。黨禁漸弛。行祥習聞其說。希圖富貴。遂假其名號。以為僥倖之謀。觀所稱年齒之不相符合。其為無知妄造。情狀昭然。此與漢時白衛太子。請關事正同一律。

更何所致疑乎乃後來附會者或以為迎歸大內或以為沒葬西山耳食傳訛紛紛無據真無異癡人說夢耳

見正統實錄記載家或附會傳訛或牽合失據舊史例議辨之甚悉今故于諸說皆不取  
辛酉六年春正月己亥朔欽天監言日食不應

禮官請表賀不許

以蔣貴為平蠻將軍王驥總督軍務討麓川蠻

洪武中麓川平緬宣慰司思倫發

思倫發本平緬酋既內屬太祖命兼統麓

川之地為麓川平緬宣慰司事見前

為其頭目刀幹孟所逐赴京陳訴事

見太祖仍命為宣慰同居麓川已分其地設府三曰孟

養

蠻名香栢城元雲遠路明初為土木邦蠻名孟邦元府後陞宣慰司今為孟良土司地

為土府後陞宣慰司今仍為木邦土司在孟定耿馬二土司界外

孟定蠻名景麻甸元孟定路明為禦

夷府今仍為土

隸雲南長官司四曰潞江蠻名怒江甸後陞宣撫司

今司屬

干崖蠻名干賴賤後陞宣撫司今司屬騰越州大候蠻名孟祐後陞雲州今州屬順



寧甸灣

蠻名細賧。後陞禦夷州。今仍為土州。屬永昌府。

隸金齒

明設金齒衛。于永昌。今省。

久之

之思倫發死。其子思任發襲職。桀黠喜兵。會孟養木邦

與緬甸相仇殺。思任發乘機侵據之。遂欲盡復其父故

所失地。稱兵擾南甸。

注見前。

突于崖。進陷騰衝。

注亦見前。

屢詔

撫諭。不受命。黔國公沐晟請發兵進剿。帝命都督方政

會晟及其弟昂共討之。

事在四年。

政與晟不協。

思任發佯言遣使朝貢。冀

緩師。晟遽信之。政欲出戰。晟不可。欲造舟濟師。又不許。政不勝憤。

獨引兵至上江。

即龍源出騰越州。外流經麓川。為麓川江。下流入大盈江。

蠻人以江在麓川者為上江。近騰越者為下江。

全

軍皆歿。

政敗賊高黎共山下。乘勝深入。援師不至。賊出象陳衝擊。政死。一軍殲焉。

事聞朝廷

切責晟。晟懼罪。暴卒。敕昂代統其軍。久亦無功。

昂畏賊不敢出。

久之。至芒市。前驅遇賊敗。遽引還。已而賊據者章寨。昂進克之。賊遁去。尋寇如故。

事俱在五年。

思任

發由是愈橫。既乃遣其頭目。以象馬金銀來修貢。且請罪。帝用楊士奇言。降勅許赦其罪。侍郎何文淵亦請罷兵。遣官招諭。命下。廷臣議皆如文淵言。而王振方用事。欲示威四夷。先已召還甘肅總兵官蔣貴等。使待命。尚書王驥揣知振意。力主用兵。振大悅。遂紬廷議。以貴爲平蠻將軍。都督李安。劉聚爲副。驥總督軍務。大發東南諸道兵十五萬人。往討麓川。侍講劉球。字廷振。安福人。上疏諫。不聽。球言。思任發僻居南徼。素本羈縻。以邊將失馭。致勤大兵。陛下特降璽書。原其罪。豐使得自新。其盛德也。乃詔旨甫下。忽大舉興師。今南方水旱相仍。軍民交困。若復動衆。紛擾爲憂。且衛拉特世爲邊患。近雖稍抑。部曲尙強。今乃移甘肅守將。以事南征。卒然有警。何以爲禦。臣望陛下急罷麓川之師。專備西北。章下兵部。以南征已有成命。寢之。



三月。下巡撫侍郎于謙于獄。既而釋之。

謙巡撫山西。河南十二年。威惠大行。每入京。無私謁王。

振銜之。謙以在外久。乞召還。薦叅政王來。

字原之。慈谿人。孫原

貞。

名珥。以字行。德興人。

自代。右通政李錫阿振指劾謙以久任不

遷。怨望。擅舉人自代。會謙來朝。遂下法司論死。繫獄三

月得釋。左遷大理少卿。山西。河南吏民伏闕上書請留

謙者以千數。乃命復原官。

時山東。陝西流民就食河南者二十餘萬。謙請以河南懷

慶一府積粟賑之。又奏令布政司撫集其衆。授田給牛耕種。流民以安。

夏五月。太白經天。

遣使錄囚。

秋九月。奉天華蓋謹身三殿。乾清坤寧二宮成。

永樂中。官闕未備。三殿成而復災。以奉天門爲正朝。至

是宮殿成。宴百官。

故事。中官不與外廷宴。是日。帝遣使問王先生何爲。王先生曰。謂王振也。帝

在宮中。呼振先生而不名。使至。振方大怒。曰。周公輔成王。我獨不可一坐邪。使復命。帝感然。命開東華中門。召

振至。百官候拜門外。振始悅。

冬十月。進蘇州知府况鍾。吉安知府陳本深秩正三品。

鍾本深治行爲天下最。秩滿九載。當遷。部民乞留。詔予

正三品。仍視府事。

鍾先以丁憂當去。部民詣闕請留。詔許復任。及秩滿。請留者至二萬餘人。

鍾雖起刀筆吏。然重學校。禮文儒。及卒。士民聚哭。立祠祀之。本深守吉安十八年。政化大行。民恥爭訟。一日升堂。聞鼓樂聲。問知縣前民嫁女。本深笑曰。我來時乳下兒也。今且嫁。我尙留此邪。遂請老去。郡人肖像以祀。

十二月。王驥等克麓川。思任發走孟養。

驥至雲南。部署諸將。分三道進取。右叅將冉保由東路



趨孟定。驥與蔣貴由中路趨上江。副總兵劉聚自下江

夾象石。

在騰越州東。龍川江東岸。渡江而西。即高黎共山麓。

合攻上江。賊重地。立

寨堅守。攻之不克。會大風。官軍縱火焚柵。斬首五萬餘

級。遂拔其寨。由夾象石渡下江。通高黎共山道。至騰衝

長驅抵木籠山。

在永昌府芒市土司南。

連破七寨。進搗賊巢。

即麓川城。

城在山上。山陡峻。深塹環之。其東南一面。傍江壁立。

賊從間道潛師出大軍後。驥

戒軍中無動。而令都指揮方瑛

政之子。

突入賊寨。斬首數

百。又誘敗其象陳。會冉保亦由東路破諸蠻寨。以兵來

集。驥令截守西峩渡。

在芒市司南。路通木邦。

而分遣諸將。四面環

攻。西風大作。復縱火。賊死者不可勝計。思任發攜二子

走孟養。驥留兵守之而還。

提開進貴爵定西侯驥封靖遠伯。餘遷賞有差。惟副總兵

李安。以攻餘賊  
收績。下獄論死。

壬戌。七年。夏。四月。兩畿。山東。山西。河南。陝西。阜。蝗。

五月。立皇后錢氏。海州人。

后族單微。帝欲封后父貴爲侯。后輒遜謝。故后家獨無封。

六月。遣戶部侍郎焦宏備倭。

倭屢入寇。命宏整飭浙江備倭事。兼理蘇松福建。

冬。十月。太皇太后張氏崩。諡誠孝。

當時闕豎擅權肆橫流毒  
方深大事無過於此者士  
奇等寧當不以爲隱憂節  
誠孝太后亦未嘗不慮其  
貽害故爾倉猝垂詢諸臣  
如果忠於爲國當思此事

太皇太后大漸。命中官問楊士奇。楊溥。國家尙有何大  
事未舉。士奇舉三事。其一。言建文君雖亡。曾臨御四年。  
當修實錄。仍用建文年號。其二。言太宗詔。有收方孝儒



機難得一去而不可復換  
即宜列王振罪惡亟舉入  
告以請速除凶孽或冀其  
萬一得行猶可有裨國政  
若建文君臣之復號弛禁  
即未及陳於平時亦無妨  
俟之異日有何迫不及待  
而於呼吸難留之頃舉此  
以塞白乎至其三未及上  
紀者亦不言其何事則與  
前三條之撫拾無當大畧  
相同士奇等爲相雖亦有  
小節足稱而核其實究不  
免阿容守位至是而老將  
及之尤不過浮沉自全而  
已史家雖稱三楊相業東  
盡可爲定評耶

諸臣遺書者死宜弛其禁其三未及上而太后已崩遺

詔勉大臣佐帝惇行仁政語甚諄篤

王振自太后有疾數年間已縱恣及

太后崩遂益無忌憚

十一月衛拉特遣使入貢

故事衛拉特使止三十餘人其後利朝廷賞賚所遣動

以千計大同供應費至三十餘萬巡撫盧睿戶部侍郎

劉中敷

大興人

等俱以供饋有缺至下獄是年春帝亦以

貢使太多限三百人入關其秋至大同者復二千餘人

旬日又百餘人帝悉納之使人以馬易弓藏于衣篋不

可勝計巡撫羅亨信請于居庸關詰檢之帝不許鎮守

太監郭敬歲造箭鏃數十萬遺其使帝亦不問

十二月葬誠孝皇后。

癸亥八年春正月以王直為吏部尚書。

直子為南京國子監博士考滿至京選司欲改北學以

侍直直曰是亂法自我始矣固止之。直遇王振未嘗少

先居其右曰太監四品吾尚書二品也振無如之何更加禮貌焉

夏五月復遣王驥將貴征麓川蠻。

思任發之走孟養也詔能擒獲者即以麓川地與之既

而思任發自木邦竄緬甸緬人執之挾以求地而其子

思機發復帥餘眾據者藍。麓川別寨地道孟養奏乞入朝謝罪廷

議欲因而撫之王振不可于是命驥等合兵再討麓川

發卒轉餉凡五十萬人驥至金齒檄緬人獻思任發緬



佯諾不遣。及大軍逼境。緬人以樓船來覘官軍。而潛以他舟載思任發遁。驥分軍爲五。進薄之。緬人堅執前詔。必予地。始出思任發。驥無如何。乃趨者藍。搗思機發巢。破之。思機發遁去。俘其妻子部衆。立隴川宣慰司。在隴北。地舊名隴把。而還任發垂死。千戶王政斬之。函首京師。

雷震奉天殿。

六月。太監王振殺翰林院侍講劉球。

球應詔言事。

畧曰。自古帝王。政自己出。則權不下移。太祖太宗。日視三朝。進大臣于便殿。裁決庶

政。故權總于上。陛下臨御。今已九年。願守二聖之成規。復親決之故事。使政本歸一。古之擇大臣者。必詢諸左右。大夫國人。及其有犯。雖至大辟。亦不加刑。第賜之死。今用大臣。未嘗皆出公論。及有小失。輒枉格筆楚之。未幾又復其職。甚非所以敬大臣也。今之太常。卽古之秩宗。今卿貳皆缺。宜選習禮儒臣。使領其職。古者人君不

初世官寺之顯害廷臣自

王振於劉球始而小人助

奸警以戕正人則自彭德

清始振在當時凌轢朝紳

鋤其不附已者如薛瑄李

時勉諸人俱為所嫉然止

於下下荷荷後尋即釋之劉

球抗言時事雖為權璫所

親刑獄。悉付理官。邇者法司所上。多奉勅增減。法司不  
能執奏。或先觀望。以為輕重。民以多寬。至運磚納米。在  
非古法。且使貪者幸免。廉者蒙辜。宜皆停罷。京師營作  
已五六年。出不煩民。而役軍。軍獨非國家赤子乎。今營  
築多完。宜罷工。以蘇人力。麓川連年用兵。死者十七八。  
軍資爵賞。不可勝計。今又遣將遠征緬甸。責獻思任。發  
假使得寇。以歸。不過獻諸廷。梟諸市而已。然彼挾以為  
功。必求與本邦分地。不與。則致怨。與之。則兩夷並大。是  
滅一麓川。生二麓川也。設有蹉跌。兵爭無已。死者必多。  
迨北貢使日增。包藏禍心。誠所難測。宜分遣給事御史。  
督視官軍。及時訓練。毋使借工各廠。服役私家。仍公武  
舉之選。以求良將。定召募之法。以求武勇。廣屯田。公鹽  
法。以厚蓄儲。庶武備無缺。而外患有防。疏入。下廷議。惟從其擇。太常寺官

一事。欽天監正彭德清。球鄉人也。倚振為奸。公卿多趨

謁。球絕不與通。德清恨甚。遂摘疏中攬權語。謂振曰。此

指公耳。振大怒。下球錦衣衛獄。囑馬順殺球。順深夜携

一小校。持刀至球所。球方臥。起立。大呼太祖太宗。校前



不害其初意並未嘗欲殺  
乃德清圖假手以洩私忿  
遂爾從旁指摘力構危機  
致球遭刺刃慘亡寃沉獄  
底而振從此逞其毒手益  
無所忌憚是振之惡實由  
德清慫恿而成其後振既  
按法族誅而德清不過下  
獄長繫罰不蔽辜其何以  
雪幽憤而快人心耶

斷其首血流被地體猶植立支解之瘞獄戶下景泰初

學士諡

忠愍

下大理寺少卿薛瑄字德溫河津人于獄既而釋之

瑄有學行人稱為薛夫子初為山東提學僉事王振問

楊士奇吾鄉有可為京卿者乎士奇以瑄對召為大理

少卿瑄至士奇使謁振瑄曰拜爵公朝謝恩私室吾不

為也一旦會議東閣公卿見振皆趨拜瑄獨屹立振知

為瑄也先揖之自是銜瑄會指揮某死振從子山欲強

娶其妾誣指揮妻毒殺夫處極刑瑄辨其寃三却之都

御史王文

字千之東鹿人

承振指劾瑄受賄故出入罪下獄論

死將行刑振蒼頭忽泣于爨下問故曰聞薛夫子將刑

也振感動會兵部侍郎王偉亦申救乃免。

秋七月。枷祭酒李時勉于國子監門三日釋之。

時勉與南京祭酒陳敬宗

字光世。慈谿人。

並以師道著聞。時稱

南陳北李。時勉請改建國子監。帝命王振往視。時勉不

加禮。振銜之。廉其過。無所得。時勉嘗芟藝倫堂樹旁枝。

遂坐以擅伐官樹。枷署門。監生石大用

豐潤人。

李貴

鳳陽人。

等三千餘人上疏救。不納。適會昌侯孫忠生日。公卿皆

為壽。忠。太后父也。助教李繼。因公卿請于忠。太后使至

忠家。忠言。今歲生辰殊不樂。以公卿皆集。獨李先生荷

校不至耳。使復奏。太后言于帝。帝始知振所為。即釋之。

甲子九年春正月。遣成國公朱勇

能之子。

等分兵四路。擊烏梁



海。

王振言于帝曰。三衛雖陽為朝貢。而數寇邊。宜討之。乃

命朱勇出喜峯口。都督馬亮

淇縣人。

出劉家口。

在永平府遷安縣東。

北有關。舊為出大寧要路。

興安伯徐亨出界嶺口。

在永平府撫寧縣北。舊有關城。都

督陳懷出古北口。各率兵萬人。分勦已而諸將皆奏捷。

勇奏敗敵于富峪川。亨奏敗敵于土河。懷奏敗敵于虎頭山。亮奏敗敵于黑山。

方輿紀要在朵顏東境。富峪。土河。注俱見前。

然俱無大功。稍有斬獲而已。諸

將遂並加封賞。

進勇太保。封亮招遠伯。懷平鄉伯。增亨歲祿。諸衛帶俸官陞者二十九人。

其後巡邊者。多以斬擊邀功。由是三衛積怨。遂導衛拉特

入寇。

三月。帝視國子監。

諸將四道出師。一時俱以敗敵奏聞。情事殊屬難信。即其稍有斬獲。諒不過以捕生充數。非真有捷鋒。隨陣之舉也。蓋虛增俘馘。妄報功。本軍中相沿陋習。況爾時國政不修。諸將焉能同時制勝。果其詳加察核。實原可立明。乃提奏甫聞。即加封爵。既未嘗深入。率庭有何勲伐。足稱而

遠為之分茅裂土。總由關  
宦專政。止圖節虛詞。以邀  
殊賞。而不顧國勢之安危。  
朝廷又一切置之不問。邊  
患遂由此釀成耳。

以新作國子監成也。祭酒李時勉當進講。會久病。及升  
堂講。尚書辭旨。清明。帝悅。賜予有加。時勉為祭酒六年。訓勵諸生。崇廉耻。  
抑奔競。督令讀書。燈火達旦。書聲不絕。英國公張輔。暨  
諸侯伯。嘗奏請。請國子監聽講。帝命以三月三日。往。時  
勉令諸生立講五經。各一章。講罷。設酒饌。諸侯伯就諸  
生列坐。惟輔與時勉抗禮。諸生歌鹿鳴之詩。賓主雍雍。  
盡暮散去。時稱為盛事。

少師華蓋殿大學士楊士奇卒。諡文貞。

士奇先以老病請告。及是卒。贈太師。士奇公正持大體。雅善知人。好推轂。

寒士。帝即位初。凡所建白。無不行。及王振用事。擅作威福。士奇與楊溥依違其間。無所救正。士奇既耄。其子稷家居多不法。士奇不得聞。于是言官交章劾稷。逮下獄。士奇方在告。帝恐傷其意。降詔慰勉。士奇感泣。憂不能起。未幾遂卒。後數月。稷竟瘐死獄中。

夏四月。以翰林學士陳循。字德遵。泰和人。入內閣。預機務。



初閣務皆三楊主之及是榮士奇已卒惟溥在循及曹  
鼎馬愉遂皆參決

秋閏七月復開福建浙江銀場

帝初卽位詔封坑冶福建叅政宋新

交趾人紀事本末作宋彰今從明史

浙江叅政俞士悅以礦盜日熾言開銀場則利歸于上

而盜無所容浙江按察使軒輓

字惟行鹿邑人

力持不可乃止

至是礦盜青田葉宗留麗水陳鑑湖等聚衆至數千福

建叅議竺淵

奉化人

捕之爲盜所殺于是中官及言利諸

臣爭請開礦乃命戶部侍郎王質經理之定歲課福建

銀二萬餘浙江四萬餘而官屬供億費較課銀尙過之

自是民困而盜益衆

八月。敕諸將嚴邊備。

衛拉特托歡死。其子額森嗣。

額森母。蘇州人。隨夫戍邊。爲托歡所擄。遂生額森。按

額森舊作也。先。今改。後仿此。

自稱太師淮王。克狡桀驁。北部皆服屬。

惟烏梁海未附。額森屢擊破之。又結婚沙州赤斤。

注見前。

諸衛。刳制哈密。巡視陝西都御史陳鎰。

字有戒。吳縣人。

以聞。帝

敕諸將嚴爲備。

冬十月丙午朔日食。

戊御史李儼于鐵嶺衛。

儼在光祿寺。監收祭物。王振過之。怒其應對不跪。下錦

衣衛獄。謫戍之。時振以義子馬順掌鎮撫司。官無大小。

悉送順拷訊。戕害甚衆。順大通賄賂。車馬冠蓋。其門如



市。

乙丑十年春正月。磔錦衣衛卒王永。

王振專恣日甚。朝臣無敢言者。永心不平。乃數振罪惡。爲書揭之通衢。又揭于振姪王山家。爲緝事者所獲。刑部坐以妖言當斬。詔卽磔之。不必覆奏。

二月。京師地震。

夏四月甲辰朔。日食。

始命天下學校考取附學生。

知縣楊瓚

嘉興縣人

以治行卓異。擢知府。上言。民間子弟可

造者衆。請增廣生員。毋限額。禮部採瓚言。議令提學官額外增取附學。天下學校之有附學生。自瓚始。

其後定制。諸生

食廩者謂之廩膳生。增廣者謂之增廣生。俱有定員。以歲科兩試高等者充補。其初入學者謂之附學生。

秋七月下霸州知州張需于獄。戍之。

需見民遊食者多。每里置簿。列男女大小口數。計其耕桑樹畜。爲設方畧。暇則躬自巡視。有不如教者。罰之。民皆勤力。州以饒富。有中官牧馬擾民者。需笞其校卒。中

官譖于王振。執下錦衣衛獄。箠楚幾死。詔戍邊。并坐需。舉主順。

天府丞王鐸。罷爲民。

冬十月。以兵部侍郎苗衷。工部侍郎高穀。入內閣。預機務。衷穀與馬愉。曹鼐。皆楊士奇所薦。事具前。及是。四人並在內閣。而鼐尤通達政體。閣務多取決焉。

丙寅十一年春。正月。予太監王振等錦衣衛世職。



振姪林。世襲指揮僉事。曹吉祥

灤州人。

等弟姪。俱世襲副

千戶。

二月。異氣見奉天。華蓋二殿。

三月。遣御史柳華討礦盜。

福建銀場既開。盜礦者益衆。葉宗留爲賊首。自稱大王。帝遣戶部郎中楊謚招撫。浙江叅議吳昇言。福建礦盜。出沒浙江。江西。廣東諸境。東捕則西逃。南搜則北竄。若合而爲一。其患不小。宜特遣朝臣。專董勦捕。乃命華督福建。浙江。江西。軍討之。華至福建。遣兵分捕羣盜。令村聚皆置望樓。編民爲甲。擇其豪爲長。使自置兵器。督轄巡夫盜稍戢。而葉宗留劫掠如故。已而鄧茂七反。指揮使不能討。歸咎于華。

謂茂七等俱以甲夫為亂時華已為山東副使聞之遂自殺。鄧茂七事詳後。

夏六月京師地震有聲。

秋七月增市稅。

先是以于謙言天下稅課司局課鈔不及三萬貫者悉罷之。領其稅于有司。上下稱便。至是戶部尚書王佐海豐人請增稅課。置彰義門官房收商稅課鈔。天下稅課司一萬五千貫以上者俱請復設。征權漸繁。

少保武英殿大學士楊溥卒。諡文定。

溥入內閣後楊士奇楊榮二十餘年及卒亦最在後。贈

太師。

溥質直廉靜。自楊榮楊士奇相繼卒。在閣者皆後進望輕。溥孤立。王振益恣橫。及溥卒。中外大權一

歸于振矣。

振之擅作威福自三楊同在內閣時已然。所云榮沒而加驕縱溥孤立而益恣橫乃當時附會獎許之詞。不得據為事實之論也。



八月下吏部尚書王直等于獄尋釋之。

光祿寺卿奈亨諂事王振。

亨詐稱詔旨日支御膳供振振悅之。

擢戶部侍

郎。

時工部郎中王祐亦以諂振擢本部侍郎祐無鬚。振問之對曰爺無鬚兒子安敢有一時傳以爲笑。亨

嘗以事干請吏部不行怨郎中趙敏構之詞連尚書王

直侍郎曹義趙新並下獄三法司六科廷鞫論亨斬直

義新俱徒帝宥直義奪新亨俸視職如故。

先是駙馬都尉石璟嘗其

家闢振惡其賤已同類下璟獄已而大理寺丞羅綺叅贊寧夏軍務嘗詆中官爲老奴總兵官奏之法司坐綺

罪徒錦衣衛改戍邊于是刑部尚書金濂左都御史陳鑑等爲馬順所劾並下獄帝以濂等已輸伏遂釋之行

人尚視言古者刑不上大夫今文武大臣偶因微告遽

陷罔固事或涉虛旋即復職是今日衣冠之大臣即昨

日受辱之囚繫而僚友而統屬官寧能無愧請自今有

犯者召至午門大臣會問事實則疏其輕重請上裁決

不實即奏還其職帝頗然之而惑于王振不能改也視

尋授南京御史石璟昌黎人尚宣宗女順德公主金

濂字宗瀚。山陰人。行人司。洪武中置。司正。秩正七品。司副。從七品。行人。正八品。職專奉使。

冬十二月大雨雷電





御批歷代通鑑輯覽卷之一百四

明

英宗皇帝

丁卯正統十二年春三月徙沙州衛之衆於山東。

沙州衛都督訥格

永樂二年沙州酋長琨濟楞邁珠率衆來歸命置沙州衛處之尋以琨濟

楞掌衛事進秩都督同知訥格乃琨濟楞之長子襲父職爲都督按訥格舊作喃哥琨濟楞舊作困卽來今

並改後等兄弟乖爭部衆多攜貳甘肅總兵官任禮欲仿此

乘其饑窘遷之內地會訥格亦來言請入居甘肅禮遣

使偕訥格撫諭其部衆而親帥兵隨其後比至訥格之

意中變其部下多欲奔衛拉特禮進兵迫之收其全部

入塞

凡一千二百餘人

帝命徙之山東

居其頭目於東昌平山二衛分其部落爲三屯



居清平博平二縣

自是沙州遂空已為罕東

明衛後廢地在今安西府燉煌縣東南

所據初成祖置哈密沙州罕東赤斤四衛於嘉峪關

在肅州西嘉峪山西麓明洪武初置有城外屏蔽西陲及是沙州先廢而諸

衛亦漸不能自立肅州遂多事

國子監祭酒李時勉致仕

時勉以王振擅權不能諂事屢疏乞休至是始得命朝

臣及國子生出餞都門外者幾三千人鼓樂前導觀者

塞途商賈為罷市或遠送登舟俟舟發乃還無不淚下

先是南京祭酒陳敬宗秩滿入都王振慕其名欲置之

門下會應天巡撫周忱亦在京振知其素與敬宗善令

致意敬宗不可忱謂振曰陳公崛強未可以勢力致顧

善書法公試以禮幣求書彼來謝或可一致耳振乃以

文錦羊酒求書程子四箴敬宗書之而返其禮終不往

見以故在南太學十七年不調後致仕歸與時勉先後

陳敬宗當關憲橫之時能以禮自處囑然不細其所以守甚正周忱以封疆大吏入覲關廷何至與中涓相比附在已既以苟合取

容且復爲權璫畫策以陷其友於不義又豈光明正大者之所爲乎說者謂忱撫江南頗多善政慮振陰行掣肘故不得不相結納以冀竟厥施不知大臣果公正自矢本無庸以疑畏相叅若托宵小以容身則律已之大端已失雖政績足稱又豈能蓋其終身之玷哉

卒。

夏六月。奪英國公張輔田。

太監喜寧。

本降番。

侵輔田宅。輔不從。寧弟勝。帥閹奴毆輔。

家人妻墮孕死。輔訴之。帝宥寧勝。而戍閹奴於邊。已而

寧嗾青縣。

本宋清州。明改青縣。今縣屬天津府。

知縣。奏輔占民田二十頃。

帝命以田還民。而置輔不問。輔實未嘗占也。時王振視

勲戚如奴隸。諸勲戚亦望塵頓首。呼曰翁父。惟輔獨與

抗禮。振亦致敬於輔。及是。輔旣衰老。又數爲喜寧所侮。

亦屈節以避禍矣。

秋八月甲申朔。日食。

冬十一月。以宋新爲福建左布政使。



新爲福建參政。與都指揮僉事鄧安進表至京。以萬金饋王振。又囑安具疏薦之。遂遷布政使。新抵任後。計所費。命縣官驗戶斂錢。民不堪命。由是盜賊四起。

以楊洪爲總兵官。鎮宣府。

洪威望素著。衛拉特使至。托克托布哈額森皆致書于洪。并遺之馬。洪聞于朝。敕令受之。而報以禮。

戊辰十三年春二月。以宋儒楊時從祀孔子廟廷。

三月。復遣王驥征麓川蠻。

思機發竄匿孟養。屢遣使入貢謝罪。朝廷亦屢敕招諭。

許以不死。然心疑畏。終不敢出。詔總兵官沐斌字文輝。晟之子。

昂卒。討之。未幾。以糧盡瘴作引還。王振以斌師出無功。

關子鈔會一時權宜濟急尚不免流弊多端豈可行之久遠明初仍元鈔法猶可云諸務未遑至此則規模已定自宜講求圖法以冀流通况明知鈔貫之扞格難行益置更張弊政乃轉嚴立科條申之厲禁實昧于本末輕重之施矣

必欲生致思機發。犁其巢穴。意乃慊。於是復命驥總督軍務都督同知宮聚為平蠻將軍。統兵十五萬討之。夏四月。兩畿山東河南湖廣。旱蝗。陝西江西水。

五月。禁用銅錢。

洪武中。鈔一貫折錢千文。至是。止折錢三文。帝從御史蔡愈濟言。詔交易用錢者。以阻鈔論。追一萬貫。全家戍邊。後至天順中。始弛其禁。

秋七月。河決。

一自新鄉。

隋縣。今屬河南衛輝府。

漫曹濮。抵東昌。潰壽張沙灣。

在壽

張縣東南。永樂初。分黃河支流。由此至臨清入衛河。合大清河入海。一自滎澤漫

原武。經祥符南。

河舊在城北。及是徙於城南。

又由陳留。歷睢毫。入渦。



口。注見前。至懷遠。宋軍。元改縣。今屬江南鳳陽府。界入淮。淹地二千餘里。

壞城垣廬舍。溺死男婦不可勝計。自黃河全入於淮。不復自沙灣分流而東。不專向徐呂。於是二洪遂膠淺。而臨清以南運道亦益艱阻。

京師飛蝗蔽天。

罷保舉。

宣德朝。及正統初。保舉得人最盛。後漸奔競。徇私者有

之。教諭傅璿。上虞人。給事中余忭。奉化人。御史涂謙。豐城人。屢

以爲言。遂罷之。由是進退人才。大權一歸王振矣。

八月。福建賊鄧茂七作亂。

茂七。江西人。亡命入閩。爲佃人。素無賴。其俗佃人輸粟主家。例餽少物。茂七倡其黨。令無餽。而田主自往受粟。

鄧茂七以無賴佃人揚竿倡亂。竟敢攻劫兩縣進圍郡城。罪在必誅。實有可勦。

而無可撫張海以御史按部一聞警報即應募謀剪捕以殄寇氛何賊至城下尚不思撓擊這擒縛為從容慰諭已屬庸怯無能及其詭辭求撫復代為緩頰乞恩致賊益肆猖狂負固彌年重煩兵力是賊勢之熾海實有以釀成之事定以後注澄柴文顯等皆以縱寇被誅獨未聞有議及海之罪者失刑亦已甚矣

田主訴於縣。縣逮茂七。不赴。下巡檢追躡。茂七殺弓兵數人。上官聞。遣軍三百捕之。被殺幾盡。巡檢及縣官皆遇害。茂七遂大剽掠。攻沙縣。尤溪。二縣俱唐置。今屬延平府。進圍延平。御史張海登城諭賊。賊曰。吾等皆良民。苦富民魚肉。有司不我直耳。乞貫死。免三年徭役。即解散。海以聞。帝遣御史丁瑄。史傳無里系。勦撫。而命都督劉聚。僉都御史張楷。字式之。慈谿人。以大軍繼後。時福建兵衛久弛。及茂七倡亂。村氓聞風畏死。又皆苦布政使宋新貪虐。於是相率從茂七為盜。眾至數萬。茂七據陳山寨。在沙縣西南。陳山之麓。自稱剽平王。設官屬。攻陷二十餘縣。都指揮范真。指揮彭璽等。先後被殺。東南震動。帝以聚等兵少。復命寧陽侯陳



懋爲平夷將軍。保定伯梁瑤

瑤之子

平江伯陳豫

瑤之孫副

之尚書金濂叅贊軍務。率京營江浙兵會討。

冬十一月幸大興隆寺。

寺初名慶壽。在禁城西。金章宗時建。王振重修之。役軍民萬餘人。糜帑數十萬。旣成。壯麗甲京師。改賜新額。延崇國寺僧主之。帝親傳法。稱弟子。公侯以下趨走如行童焉。

己十四年春正月。太白晝見。

二月。御史丁瑄擊斬鄧茂七於延平。

瑄始至。先令人齎敕往撫。茂七不肯降。瑄馳沙縣圖之。

賊渠林宗政等。攻後坪。瑄與都指揮雍堃邀擊。斬首數百級。擒其黨陳阿巖。送京師伏誅。及是。瑄因

沙縣民羅汝先誘賊復攻延平瑄督兵分道衝擊賊大敗遁走指揮劉福追之遂斬茂七餘賊在陳山寨者聞茂七死復擁其兄子伯孫聚後洋在陳山之攻剗州縣瑄擒斬其渠林子得鄭永祖等會陳懋軍至諸將欲盡殲賊衆懋不可下令招之其黨多降尋進攻賊寨破之伯孫走餘衆潰散懋遣兵分捕獲伯孫送京師誅之先是劉聚張楷至建寧頓兵不進日飲酒賦詩爲樂及聞瑄破賊則疾馳至延平懷其功瑄被脅依違具奏劉福心不平訴陳懋奏之詔責瑄具狀楷等皆獲罪瑄有功不問然功亦竟不錄當是時浙閩盜所在蜂起皆以誅王振爲名諸將帥率玩寇而文吏督民兵拒賊往往多斬獲聞則建寧知府張瑛敗賊於建寧城外斬首五百餘級進擢叅政後以逐賊被執死



之汀州推官王得仁擊擒賊渠陳景政等餘賊驚潰浙  
江則金華知府石琚斬賊蘇牙於蘭谿處州知府張佑  
擊敗劇賊擒斬千餘人帝數降敕詰讓諸將諸將無以  
自解乃節詞委咎文吏王振方欲殺朝士威眾於是柳  
華已死猶坐前奉詔捕盜措置失當致賊益熾遂籍其  
家男戍邊婦女入浣衣局御史汪澄坐前帥師會討受  
賊詐降不進兵御史柴文顯坐前按福建賊起匿不奏  
俱被極刑而宋新以貪虐致變反得長繫尋遇赦謫驛  
丞天下咸惡振之橫而咎當時之失刑云張瑛字彥  
華浙江建德人王得仁名仁以字行新建人汪澄仁和  
人柴文顯浙江建德人  
蘭谿唐縣今屬金華府

王驥擊思機發再破之思機發遁遂班師

驥自騰衝會師直抵金沙江

其上流即大盈江出騰越州徼外經隴川芒市諸司

界龍川江流入焉又南經孟養東始謂之金沙江下流  
至緬甸入海考雲南金沙江有二一自東北至四川  
合大江一自西南至緬甸入南海二江異流而同名賊  
柵西岸官軍造浮梁濟師

大破之賊又柵鬼哭山

方輿紀要一名鬼窟山在孟養西南驥連破其

十餘棚。隊死者萬計。而思機發竟脫去。時官軍已踰孟

養。至孟卯海。其地在金沙江西。去麓川千餘里。諸蠻皆震誓曰。

自古漢人無渡金沙江者。驥慮大軍遠涉。餽餉不繼。謀

引還。而諸蠻復擁思任發少子思陸。發。蠻稱其長之號。時思機發尚在故

思陸不稱發。據孟養驥知賊終不可滅。乃與思陸約。立石金

沙江為界。誓曰。石爛江枯。爾乃得渡。思陸亦懼而聽命。

遂班師。驥凡三討麓川。卒不能得。思機發議者皆咎驥

老師費財。以一隅騷動天下。而會川衛注見前。訓導詹英

貴州人。抗疏劾驥。掩敗為功。奏下法司。王振左右之。得不

問。思機發至景泰五年。為緬人所執。送京師誅之。

夏四月。曠盜葉宗留為其黨陳鑑湖所殺。巡撫浙江大理



寺少卿張驥

字仲德。安化人。

招鑑湖降之。

鄧茂七之亂。宗留鑑湖。往附之。散掠浙江。江西。福建。諸

境。叅議耿定

和州人。

僉事王晟

鄆城人。

敗歿於麗水。

隋括蒼縣。唐改

麗水。今爲處州府治。

都指揮英剛禦之建陽。

晉縣。今屬建寧府。

都督陳榮

與戰玉山。

唐縣。今屬廣信府。

皆死。監軍都御史張楷。檄永豐

宋縣。

今屬吉安府。

知縣鄧顥

樂昌人。

擊之。被執不屈死。賊勢日熾。遠

近皆震。及茂七誅。二人擁衆如故。至是以酒色相角。鑑

湖遂殺宗留。稱大王。建僞號。進圍處州。然是時官軍漸

集。鑑湖亦頗懼。驥遣麗水丞丁寧。率老人王世昌等。齎

榜入其寨。招之。鑑湖遂降。

鑑湖至京。帝宥其死。繫錦衣

間亡歸。被獲伏誅。

英宗寵任宦官致令參與  
慮囚大典其失已甚至九  
卿乃朝廷重職其子闡寺  
序次尊卑本自秩然國體  
所關豈容陵替乃以刑餘  
醜豎竟令其張蓋偪中抑  
尚書以下使列坐亦竟無  
一人敢與抗手駭觀聽而  
褻班聯更不可問迨末世  
而內官監視各部者無不  
僭坐部臣之上作威作福  
習為固然皆英宗作俑之  
過有以致之

五月命太監金英同法司錄囚。

築壇大理寺。英張黃蓋中坐。尚書以下左右列坐。九卿

抑於內官之下。遂為永制。

以翰林侍讀學士張益字士謙江寧人入內閣預機務。

益博學強記。三楊雅重之。及是入直文淵閣。

六月旱。

熒惑入南斗。

南京謹身等殿災。

是夜大風雨。明日殿基生荆棘。高二尺。詔修省。大赦。

秋。七月衛拉特分道入寇。按元自順帝北去。阿裕錫哩達喇。特古斯特穆爾皆其子孫承

緒。國號尚存。故凡南北交兵。以興復為辭。其名甚正。至郭勒齊布尼雅錫哩等。以遠族相繼篡立。改號韃靼。後衛拉



特漸強。諸部相攜。日尋攻擊。如托克托布哈。額森。及小王。子等。皆弑。逐吞併。無復君臣之分。自與順帝嫡裔有殊。今自特古斯。特穆爾。被弑以前。既改書南侵。以正其義。而于額森大舉。則仍書入寇。以別之。後並倣此。

自正統初以來。衛拉特遣使入貢。王振以藻飾太平爲名。賞資金帛無算。凡所請乞。亦無不予。已而額森以二千人貢馬。號三千。振怒其詐。令禮部計口給餼。虛報者皆不與。而所請又僅得五之一。額森恚怒。遂誘挾諸部。

分道大舉入寇。

初。額森欲舉兵內犯。托克托布哈勸止之。額森弗聽。其部衆有來歸者。言之。帝

不報。及是。額森遂借覈減貢使爲兵端。

托克托布哈以烏梁海寇遼東。阿

拉

舊作阿刺。今改。後仿此。

知院寇宣府。并圍赤城。

注見前。

又遣別將

寇甘肅。額森自擁衆從大同入。至貓兒莊。

在大同府陽高縣北有堡。

叅將吳浩迎戰。敗死。西寧侯宋瑛

晟之子。

武進伯朱冕

榮之

宣宗親征之舉雖冀永樂宣德兩朝故事其情勢實相去懸殊蓋成祖英勇久震北庭故親履行陣武功即以大振至宣宗時疆場無警巡邊三出不過閱兵而還無關利害若額森之分道大舉本非可以輕敵而張輔等宿將尚在未特不可假之斧鉞以靖邊陲英宗軍旅未嫻豈宜冒昧親征致貽大辱總由王振

子與瑛俱練兵大同與額森戰於陽和明衛今陽高縣是為監軍太監郭

敬所制遂敗歿敬伏草中得免諸邊守將俱逃匿先是

入南斗侍講徐瑄詔其友劉溥曰禍不遠矣及是瑄遣其妻子南歸妻重遷有難色瑄怒曰汝欲為衛拉特婦邪妻遂行徐瑄字元

玉吳人後改名有貞

帝親征命郕王祁鈺居守

邊報日數十至王振勸帝親征兵部尚書鄭瑄侍郎于

謙力言六師不宜輕出不聽吏部尚書王直率百官再

三諫亦不納遂下詔令郕王居守越三日車駕即發京

師振及英國公張輔諸公侯伯尚書侍郎以下官軍私

屬五十餘萬人從行倉卒就道軍中常夜驚過居庸關

羣臣請駐蹕不允至宣府風雨大至邊報益急羣臣交



欲攘邊功以圖封賞而自揣擅權已久又不肯獨出監軍遠離中禁貽他人摘發之機故必欲挾駕親行止圖自遂其私而不顧置其君于危險英宗不知覺悟墮其術中幾至禍延宗社宣賢貽害之烈殆比漢唐而更甚矣

章請留振。虢怒。成國公朱勇等白事。皆膝行聽命。尚書王佐。鄺埜。忤振意。跪草中。至暮不得請。欽天監正彭德清。振私人也。告振曰。象緯示儆。再前恐危。乘輿。振曰。倘有此。亦命也。學士曹鼐曰。臣子不足惜。主上係宗社安危。豈可輕進。振終不從。至陽和。伏屍滿野。衆益危懼。

八月。師還。潰于土木。

舊驛有堡在宣化府懷來縣西。

額森以帝北去。

帝至大同。王振尚欲北行。郭敬密止之。始班師。振初議從紫荆關。道出蔚州。邀帝幸其家。既恐蹂其鄉。禾復改道宣府。鄺埜再上章請疾。驅入關。嚴兵爲殿。不報。又詣行殿申請。振怒曰。腐儒安知兵事。再言必死。叱左右掖出之。及發宣府。額森兵襲軍後。恭順侯吳克忠

本蒙古人其父

巴圖特穆爾。永樂中降。賜姓名吳允誠。及其弟都督克

按巴圖特穆爾。舊作把都帖木兒。今改。及後軍潰散。畧盡。成國公朱勇。永順伯薛

綬。本蒙古人。其祖薛台。洪武中降。賜姓。帥師四萬往援。次鷓兒嶺。在宣化縣東。

全軍俱覆。次日。次土木。日未晡。去懷來僅二十里。衆欲

入保城中。振輜重未至。留待之。卽駐營土木。掘井二丈

餘。不得水。人馬饑渴。敵分道自旁近口入。都指揮郭懋

拒戰。終夜。敵益增。明日。圍御營。不得發。額森遣使請和。

帝詔曹鼐。草勅許之。敵佯退。振遽令移營。回旋間。行列

已亂。敵大呼。四面蹂躪入。衆裸袒蹈藉死。帝與親軍突

圍。不得出。下馬據地坐。敵擁之去。中官喜寧從。振等皆

死。官軍死傷者數十萬。英國公張輔。泰寧侯陳瀛。珪曾孫。



駙馬都尉井源

尚宣宗女嘉興公主

都督梁成王貴尚書王佐鄺

埜直內閣學士曹鼐張益等五十餘人皆死帝既入敵

營敵以校尉袁彬

字文質江西南昌人

來侍額森擁帝至宣府傳

諭楊洪羅亨信開門出迎城上人對曰所守者陛下城

池日暮不敢奉詔乃復擁帝至大同索金幣廣寧伯劉

安

榮之子都督郭登

字元登英之孫

出謁登謀奪駕入城不果額

森遂擁帝北行

皇太后命郕王監國

敗報聞

帝入敵營之次日遣千戶梁貴以袁彬書示懷來守臣言被留狀且索金帛守臣送至京師以

是夜三鼓從西長安門入太后遣使賫金寶文綺載以八騎皇后錢氏盡括宮中物佐之詣額森營請還車駕

羣臣聚哭于朝議戰守時京師疲卒羸馬不滿十萬人

徐瑄果精于占候。嘗象緯告警。即應愷切密陳。以抒思愛。乃惟急急遣驛歸里。正知保其身家而不復關心。國是已乖。臣分及收報。既聞人情洶洶。瑄輒敢妄言。天命已去。倡議南遷。便從瑄言。則燕京必如宋汴。都之難支。而英宗幾成靖康帝之不返。誤國之罪。更不容誅。若非于謙急召外兵。誓以死守。則根本一搖。恢復且不可必。又安望他日之復辟乎。是宗澤李綱所未能行之于宋時者。謙獨能行之于明室。英宗之得歸故國。謙實不為無功。乃奪門以後。瑄荷殊榮。謙

情洶洶。侍講徐瑄言。驗之天象。稽之歷數。天命已去。莫若且幸南京。尚書胡濙首言不可。侍郎于謙曰。欲遷者可斬。京師天下根本。一動則大事去矣。獨不見宋南渡事乎。請速召勤王兵。誓以死守。學士陳循是謙言。力贊之。太監興安厲聲曰。若去。陵廟將誰與守。金英因叱瑄出之。議遂定。中外始有固志。越三日。太后遣額森使不得報。太后命郕王總百官。大小事俱啟王始行。運通州糧入京。

時議欲焚通州倉。以絕寇資。會應天巡撫周忱在京。言倉米數百萬。可充京軍一歲餉。令自往取。則立盡。何至遂付灰燼。于謙以為然。王乃令京官及軍有能運通州



遭慘禍刑賞倒置天下  
為公之道哉

糧至京者官以脚值給之都御史陳鑑總其事。

徵兩畿山東河南江北軍入衛。

令羣臣直言時事舉人才。

皇太后立皇子見深

英宗長子即憲宗

為皇太子。

以于謙為兵部尚書。

謙上言京營兵械且盡宜亟遣官募義勇繕兵甲脩戰

具分兵九門列營郭外附郭居民皆徙入內文臣如軒

輒武臣如石亨

渭南人

楊洪柳溥皆宜倚任至軍旅之事。

臣請以身當之不效則治臣之罪王深納焉。

亨前戰陽和兵敗奔

還降官及是以謙薦授後軍右都督尋封武清伯。

籍王振家夷其族。

邲王攝朝。羣臣請族誅。王振黨馬順叱羣臣退。給事

中王竑

字公度。河州人。

捽順髮罵曰。汝倚振作威。今尚敢爾邪。

與衆共擊之。立斃。朝班大亂。衛卒聲洶洶。王懼欲起于

謙直前掖王止。請王宣諭百官。允其請。衆乃定。尋執王

山至。令縛赴市磔之。振族無少長皆斬。籍其家得金銀

六十餘庫。玉盤百。珊瑚高六七尺者二十株。他珍玩無

算。已而郭敬自大同逃歸。亦籍其家。下獄錮之。

方于謙之止王

諭衆也。既定。謙徐步出掖門。吏部尚書王直最篤老執謙手曰。國家正賴公耳。今日雖百王直何益。于是朝廷

益倚重謙。

封楊洪爲昌平伯。仍鎮宣府。

額森以帝命誘洪開門者三。洪皆不聽。又令帝爲書遺



洪洪封上之。王遣使報洪曰。此書偽也。自今有書。悉拒毋受。于是洪一意堅守。

以羅通爲兵部員外郎。提督守備居庸關。

初通自交趾還。

通拒守清化。事見前。

改戶部員外郎。尋以事謫廣

東河泊所官。

掌收魚稅。未入流。

及是。于謙薦之。遂復以員外郎

守備居庸。通上言。聞敵送駕回京。恐因之入寇。大小關

口。宜各增兵。

口凡三十有六。可通人馬者七。宜各增人千。可通人。不可通馬者二十九。宜各增人

百。仍命大將一人。統兵三萬。分駐十營于關外。從之。通尋

進郎中。又擢副都御史。

月晝明。

召前大理寺少卿薛瑄。

以翰林院脩撰商輅

字宏載淳安人

彭時

字純道安福人

入內閣預機務

以陳循高穀舉也

輅鄉會試及廷試皆第一士子艷稱三元明代惟輅一人而已

九月廣寧伯劉安以罪下獄

安以額森欲與帝結嫺啟王王切責之尋自大同馳至

京師言帝已進已為侯廷臣劾安擅離守地自加侯爵

宜正典刑王令禁錮之尋得釋

雲南鹽課提舉司吏目胡仲綸坐事入都奏言

今日之事不可屈者有七萬乘之主墻于寇敵此不可

屈者一也敵假議和使我無備二也和親之後驕尊自

大也三也索我金帛使我坐困四也以送駕為名乘機入

犯五也逼上手詔誘取邊城六也欲求山後之地七也

七者稍從其一則大事去矣今宜急命大同宣府守將

固守城池整肅軍伍使敵不敢輕進果其送駕還京密

勅楊洪邀其歸路石亨據其險阨侯駕至關堅閉勿出

則戰無不勝而聖駕得還矣若不戰而和非計之得也

事下禮部議行之



英宗倉猝陷敵正臣子枕戈誓志之時邸王以介弟

之親誼均休戚尤宜與廷臣協力同心籌良策以還

車駕方為無忝大義况既奉命監國庶務原足資代

理何必亟稱尊號始能繫屬人心乎乃羣臣以太子

冲幼國賴長君請于太后不過揣測邸王覬覦大位

之隱以巧為迎合耳至岳謙所述繼統之旨得自口

傳祖靈武致寶靖康手勅更無實據安知非希意矯

稱乃竟持為受命之券襲位改元不復以故君為念

其情偽且不可掩顧猶驚讓再三避歸邸邸所謂欲

皇太后命邸王即位。是為景帝。

廷臣合辭請太后曰車駕北狩皇太子幼冲古云國有

長君社稷之福請定大計以安宗社太后允之羣臣以

太后旨告王王驚讓再三避歸邸邸羣臣復固請會都

指揮岳謙使衛拉特還口傳帝旨以王長且賢令繼統

以奉祭祀王始受命以明年為景泰元年

遙尊帝為太上皇帝

巡撫山西副都御史朱鑑。字用明晉江人。請罷內官監軍不從

鑑上言竊見王振亂天下江南寇發俱以誅振為名夫

事歸朝廷則治歸宦官則亂况今額森詭詐百端往來

覘伺宜專將帥事權悉罷監軍中貴重懸賞格鼓勸義

蓋彌彰其將誰欺耶

旅庶大駕可還。敵兵自退。帝雖嘉納。不能從也。已而山

東布政使裴綸

湖廣監利人。

言。山東既有巡撫。又設內官鎮

守。有司供應。以一科十。實為擾民。請下廷議。凡內地已

有巡撫者。鎮守內官。悉召還京。疏入。責綸陳狀。綸服罪

乃已。

時臨洮府同知田賜聽選知縣單宇。陝西舉人段堅。工部辦事吏徐鎮。俱上言。請召還監軍鎮守中

官。詔以為祖宗舊制。不可更。皆不納。其後南京軍匠餘丁華敏。上書言。宦官十害。畧曰。內官家積金銀珠玉。動

以萬計。從何而至。非內盜府藏。即下賂民膏。害一也。恬勢矜寵。占公侯邸舍。興作工役。勞擾軍民。害二也。家人

外親。皆市井無賴。縱橫豪悍。任意為奸。納粟補官。貴賤淆雜。害三也。建造佛寺。耗費不貲。營一已之私。破萬家

之產。害四也。廣置田莊。不入糧稅。寄戶府縣。不受征徭。阡陌聯亘。而民無立錫。害五也。家人中鹽。虛占引數。轉

售他人。倍支鉅萬。壞國家之法。奪商人之利。害六也。奏求塌房。邀接商旅。恃強賒買。經歲不還。行賈坐敝。莫敢

誰何。害七也。賣放軍匠。俾辦月錢。致內府乏人。工役煩重。捶楚不堪。害八也。置買物料。以一科十。虧官損民。害



九也。監工所至。非法酷刑。軍匠塗炭。害十也。事下禮部。寢不行。

減浙江福建銀場課。

以郭登爲總兵官。鎮大同。

時大同壁壘蕭條。城門晝閉。登慷慨奮勵。脩城堞。繕器械。拊循士卒。弔死問傷。親爲裹創傳藥。曰。吾誓與此城存亡。不令諸君獨死也。登初至。士卒堪戰者纔數百。馬百餘匹。不數年。馬至萬五千。精卒數萬。大同兵遂爲天下最。

以楊信民

名誠。以字行。浙江新昌人。

爲僉都御史。討廣東賊黃蕭養。

南海人。

蕭養以行刦被獲。繫都司獄。獄禁不嚴。蕭養潛使人納

斧飯中。至夜與四百七十人皆破械出。刦軍器局。收兵仗。嘯聚海濱。旬日間。衆至萬餘人。進圍廣州。總兵官張安敗死。指揮僉事王清被殺。圍三月不解。鄉民避賊至城者。皆不納。歸則盡爲賊殺。從賊者益衆。帝以信民爲僉都御史。往討。信民先爲廣東叅議。有惠政。士民聞其來。皆喜。信民至。開城門。發倉廩。獎勵士卒。招降脅從者數萬人。賊勢漸衰。蕭養剋期請降。會信民暴卒。賊聞之。曰。楊公死。吾屬何望。遂復大掠。明年四月。都督董興討定之。帝命興充副總兵。督軍討蕭養。興至廣州。賊列千餘艘。勢甚張。興縱兵奮擊。殺死者無數。餘多就撫。蕭養中流矢死。函首以獻。

冬十月。額森奉上皇至大同。遂入紫荆關。

郭登在大同不納英宗而  
不能禁額森之陷白羊抵



紫荊長驅深入則所謂守邊仍屬虛談而拒君實無可逃罪論者每引社稷爲重之言以曲爲之說所見甚謬蓋孟子民貴君輕之語特因戰國殘民以逞故爲此論以針砭時君非爲臣子而發也後之迂儒遂以晉取呂飴甥鄭公孫申之事強爲牽合妄以社稷與君分別輕重殊乖正理試思君爲社稷主有君乃有社稷若蔑視其君則社稷又爲誰守乎況君臣父子義等在三皆一尊而不可易君陷于敵而即可別奉一君則何異父劫于盜而竟謂他人父有是理乎

先是都指揮僉事季鐸奉皇太后命詣上皇所告帝卽位及立皇太子鐸還帝復命鐸奉書上皇并致書額森言卽位之故額森以帝立會衆議欲大舉入寇帝必南遷大都可有也叛閩喜寧從上皇北狩叛附額森爲間諜復盡以中國虛實告之教額森奉上皇至邊脅諸將開關召總兵鎮守官出見則留之可以得志額森以爲然乃詭言奉上皇還京至大同總兵官郭登不納遂由陽和進陷白羊口一作白楊在大同府天鎮縣北少西守備通政使謝澤死之澤督兵扼山口會大風揚沙兵潰被殺抵紫荊關喜寧與額森弟大同王夾攻關城守備都御史孫祥都指揮韓青戰死敵遂入關長驅而東

至于英宗返國亦天幸適  
然設竟蹈繼欽覆轍又將  
何以自解若謂從權濟難  
不得已而置之危以圖安  
則何以分義之對人知其  
非而于此獨迷而不悟乎  
讀史者多未能見及故申  
大義以正之

詔諸王遣兵入衛。

以于謙提督各營軍馬。

詔諸將皆受謙節制。都指揮而下不用命者先斬以徇。  
然後奏聞。

京師戒嚴。

廷議禦敵之策。石亨請毋出師。第堅壁以老之。于謙曰。  
敵張甚矣。如此則示弱。令敵益輕我。乃卽分遣諸將。帥  
師二十二萬。列陳九門外。謙自與亨帥副總兵范廣。遼東  
人等。陳德勝門。當額森。悉閉諸城門。絕士卒返顧。下令  
臨陣將不顧軍先退者。斬其將。軍不顧將先退者。後隊  
斬前隊。于是將士知必死。皆用命。



詔宣府遼東總兵官山東山西河南陝西巡撫皆入援。

額森犯京師于謙督諸將擊却之。

額森自紫荆關奉上皇過易州至良鄉。父老進茶果羊酒。進次

盧溝橋。園官進果。上皇作書三。一奉皇太后。一致帝。一諭文

武羣臣。額森列陳至西直門。上皇止德勝門外。是日都

督高禮。毛福壽敗敵彰義門北。殺數百人。奪還所掠千餘口。明日額

森擁上皇登土城。在德勝門西北。亦曰土城關。即古薊門遺址。亦謂之薊邱。喜寧嗾

額森邀大臣迎駕。帝以通政司叅議王復為右通政。中

書舍人趙榮。字孟仁。其先西域人。後家閩縣。為太常少卿。出城朝見。喜

寧又嗾額森以二人官小。邀于謙右亭。胡濙王直出見。

索金帛萬萬計。復榮不得見上皇而還。廷臣欲議和。遣

景帝任于謙排羣議而力戰守不可謂無功於宗社獨是英宗還國僻處南宮

事同禁錮而廢后易稱有  
愈心焉天道好還子亦隨  
死終於殺禮西山實所自  
取耳然英宗亦豈得辭寡  
恩片布之譏哉至於于謙  
社稷為重之言蓋出於呂  
飴甥喪君有君及公孫申  
為將改立誓必歸君之意  
後世迂儒無不以是為韙  
夫君猶親也親為人執為  
子者不被髮纓冠而往救  
之以示不急其可乎則意  
欲之獄亦有由來或猶以  
為非英宗意是真不識事  
體者之言耳然則當時宜  
從和議乎曰不其之讐安  
得與和繕甲治兵以從其  
後如岳飛之力戰迎二帝

人至軍中問謙。謙曰。今日止知有軍旅。他非所敢聞。已

額森遣騎窺德勝門。謙亨設伏空舍。令數騎誘敵。敵遂

以萬騎來薄。伏兵出。范廣發火器擊之。額森弟博囉及

平章茂諾海。舊作卯那。今改。中礮死。敵轉至西直門。都督孫

鎧。字振遠。東勝州人。斬其前鋒數人。逐之。敵益兵圍鎧。鎧力戰

不解。會石亨分兵至。敵引退。欲還土城。居民皆升屋呼

號。爭投磚石擊敵。囂聲動地。王竑。毛福壽亦來援。敵遙

見旗幟。不敢復前。額森初輕中國。既至。相持五日。邀請

既不應。戰又輒不利。其別部攻居庸者。復為羅通所敗。

敵五萬攻居庸。會天大寒。通汲水灌城。冰堅不

得近。七日。敵遁走。追擊之。三戰三捷。斬獲無算。額森氣

大沮喪。又聞勤王師且至。乃夜拔營。由良鄉而西。大掠



不其誰非之

所過州縣。擁上皇出紫荆關去。帝以謙亨功大。進封亨

武清侯。加謙少保。謙固辭不允。

敵之退也。焚毀長獻景

出關者。分屯畿內。四出剽掠。諸降人亦乘間並起。帝以

昌平伯楊洪充總兵官。帥孫鏐。范廣討捕之。遣官脩復

詔止勤王兵。

衛拉特托克托布哈遣使入貢。

時衛拉特君臣鼎立。額森專國。兵最多。托克托布哈雖

為汗。兵較少。阿拉知院兵又少。三人外親內疎。其合衆

南犯。利多歸額森。而害則均受。至是托克托布哈遣使

入貢。帝從胡濙。王直等議。厚賞賜以間之。

十一月。脩沿邊關隘。

上皇至衛拉特

額森以上皇至老營。惟袁彬哈銘

蒙古人。幼隨其父爲通事。從上皇

寢。天寒。以脅溫上皇足。銘日侍左右。

初。上皇入敵營之夕。額森有異志。會

雷震死其所乘馬。而上皇寢幄復有異彩。乃止。及是。上皇所居毳帳。每夜有赤光奕奕繞其上。若龍蟠。額森見之。大驚異。尋欲以妹進上皇。上皇却之。愈敬服。自是五七日必進宴。置酒爲壽。稽首行君臣禮。

以左都督朱謙

夏邑人。

鎮宣府。僉都御史王竑鎮居庸關。

先是楊洪奉詔入援宣府。人心危懼。欲棄城走。都御史羅亨信仗劍軍門。諭止之。衆始定。至是。學士陳循以洪善戰。請帥所部留京。羅通曉暢兵事。請召還。叅洪軍務。



帝從之。于謙言宣府京師之藩籬居庸京師之門戶。今

洪既留京。通復召還。宜更選重臣鎮守。乃以朱謙鎮宣

府。紀廣楊俊洪之子副之。王竑及夏忠魯瑄守居庸。

十二月尊皇太后為上聖皇太后。

以王驥充總兵官討貴州叛苗。

初驥自麓川還。會湖廣貴州諸苗所在蜂起。圍平越。明衛

後置軍民府。今府屬貴州。清平。明衛。今為縣。屬都勻府。諸衛貴州東路閉。驥至。

民遮道訴。驥曰。吾受命征麓川。不受命討苗也。去之軍

無紀律。苗前後截擊。死亡數萬。比至武昌。詔還軍討苗。

會土木難作。羣臣劾王振。兼及驥。朝議以驥方在軍。且

倚之平苗。置弗問。至是苗益熾。命驥佩平蠻將軍印。充

王驥三討麓川皆無功而返老師糜餉其罪已不可道及重還而適遇苗人梗化攻掠詔驥既事闕外之征豈得視如隔膜則移兵勦捕分所宜然乃百姓連遭陳訴驥竟以不受命討苗為辭去之惟恐不速是誠何心又御軍無律轉使苗人截擊死亡數萬

多坑寇喪師益為國典  
所必及乃羣臣進劾朝廷  
皆置之不問且更倚以平  
苗貴前之頃亦甚矣

總兵官討之。

尊生母賢妃吳氏。

丹徒人。

為皇太后。立妃汪氏。

順天人。

為皇后。

彗星見。

凡二十日始滅。

額森犯寧夏。

喜寧勸額森西犯寧夏。掠苑馬。直趨江表。居上皇南京。

袁彬謂上皇曰。天寒道遠。陛下又不能騎。徒取凍餓。且

至彼而諸將不納。奈何。額森聞之怒。欲殺彬。上皇力解。

乃止。額森遂自寇寧夏。掠人畜。期月始退。仍留數千人

於河套。

明史地理志。大河自寧夏衛東北流。過榆林衛北。至廢勝州東北。乃折而南。所謂河套也。一統

志。今為鄂爾多斯地。

時入寧夏為寇。



景皇帝

庚午景泰元年春正月朔罷朝賀。

以上皇在衛拉特也。

築城天壽山南。

名曰永安。以居陵衛官軍。並移昌平縣治于內。

今順天府昌平

州治。即永安城也。明正德元年。陞縣為州。

始令輸納者給冠帶。

戶部議令軍民輸納者給冠帶。官吏罪廢者輸草於邊。

得復職。帝用給事中翟敬議止給冠帶。

其輸納者。或米。或粟。或豆。或草。

或鞍馬。或牛驢。或銀。始于宣府大同。其後兩畿及諸布政司遼東皆行之。而米之輸尤多。已而監生郭佑言。昨以國用耗乏。詔國大臣欲紓一時之急。令民納粟者賜冠帶。今軍旅稍寧。而行之如初。是以空乏啟寇心也。章

下廷議。  
終不行。

閏月郭登敗衛拉特于栲栳山。

在朔平府平魯縣西北。

寇入大同。至沙窩。

在朔平府東北。即沙楞河口。

登奮擊破之。追奔四

十餘里。又敗之栲栳山。盡奪所掠而還。自土木敗後。邊

將無敢與寇戰。登以八百騎破寇數千。軍氣一振。捷聞。

封定襄伯。後寇數至。登屢擊却之。

二月。帝耕藉田。

遣武清侯石亨都指揮同知楊能。

字文敬。洪從子。巡邊。

帝用于謙議。遣石亨率京軍三萬巡大同。楊能統京軍

一萬五千巡宣府。時有敵三人至大同。欲朝廷通好。叅

將許貴。

字用杞。江都人。

以聞。事下兵部。于謙言。前遣指揮季鐸。



岳謙往敵而敵隨人寇。通政王復少卿趙榮不見上皇而還。和不足恃明矣。且我與敵不共戴天。理固不可和。萬一和而彼肆無厭之求。從之則坐困。不從則速變。勢亦不得和。貴居邊疆重地。惟怯如此。何以敵愾。移檄切責之。自是邊將無敢言和者。

三月。衛拉特復分道入寇。

陽和。大同偏頭關。

五季北漢砦。元改爲關。明置偏關所。今爲縣。屬寧武府。

野狐嶺。

注見前。

萬全衛皆被寇。時邊將禦敵。互有殺傷。惟寧夏慶

陽朔州被敵殺掠甚衆。

叛閹喜寧伏誅。

寧數誘額森入邊寇掠。郭登諜知之。聞于朝。會上皇以

寧欲殺袁彬。

額森嘗謂上皇曰。中朝若遣使來。皇帝歸矣。上皇曰。汝自送我。則可。欲中朝遣使。徒

費往返爾。寧聞。怒曰。欲急歸者彬也。乃欲殺彬。

患之。言于額森。使寧還京。索禮

物。而令彬以密書報宣府。寧至獨石。叅將楊俊預伏兵

城下。具酒勞寧。酒半伏發。遂擒之。送京師。羣臣雜治。磔

于市。

上皇聞寧誅。曰。自此邊境稍寧。吾南歸有日矣。

錄土木死事諸臣後。

夏四月。旱。

五月。總督侍郎侯璉。

字廷玉。澤州人。破貴州苗。

時羣苗西至龍里。

明衛。今為縣。屬貴陽府。

東至沅州。

注見前。

北至武

岡。

晉縣。明初為府。後改州。今屬湖南寶慶府。

南至播州。

注亦見前。

不下二十萬。平

越被圍已九月。城中食盡。掘草根。煮弩革。食之。而土驥



頓兵辰沅不進。巡按御史黃鎬字叔高。侯官人。置疏竹筒中。募

土人乞援于朝。乃更命保定伯梁瑤都督方瑛。會湖廣

總督侯璉。帥師往討。時副總兵田禮已解平越圍。璉遣

兵攻敗水西諸賊。女土官阿推等作亂。貴州道始通。又調雲南兵。

開畢節。注見前。諸路。而自率兵攻破紫塘。蠻寨。在平越府境。等數

十餘寨。至重安江。在平越府黃平州南。源出苗境。經湖南靖州界。為黔楚要津。與王

驥兵會。鎮遠道亦通。已而璉復檄方瑛攻賞改。苗寨名。諸

寨。擒偽王王阿同及阿趙等。而驥亦俘獲剗平王苗富

蟲。皆送京師伏誅。是秋。梁瑤亦破湖廣苗。會璉卒。以王來代之。明年春。來與方瑛分兵連破

二百餘寨。苗衆縛其酋以降。

朱謙敗衛拉特兵于宣府。

衛拉特二千騎屯賈家營。謙與叅將紀廣等力戰却之。封謙撫寧伯。額森擾宣府大同。意二城可旦夕下。而謙與郭登數以羸師挫其勁騎。額森由是氣益沮。

衛拉特遣使請和。

喜寧既誅。額森失間諜。所部兵多死傷。而托克托布哈

王阿拉知院又皆攜貳。于是額森決意欲和。又恥自屈。

乃先令阿拉知院遣叅政旺扎勒托歡舊作完者脫歡今改後仿此

等至懷來議和。邊將以聞。帝用陳循言。賚使令還。而以

敕諭阿拉未行。額森忽擁上皇至大同。遣使賚文書。以

講和爲言。而自率衆至城下。郭登仍欲謀奪上皇。登朝服立

月城內。潛令人伏城上。俟上皇人。卽下月城開板。敵覺。遂擁上皇去。登以使及



書奏帝厚賚使令與旺扎勒托歡偕還。廷臣皆言宜遣

使往報。太監興安出呼羣臣曰。公等欲報使孰爲富弼

文天祥者。詞色交厲。尚書王直面折之。安始語塞。乃以

給事中李實

字孟誠。合州人。

爲禮部侍郎。大理寺丞羅綺爲少

卿。及指揮馬顯等。令齎璽書往諭衛拉特君臣。未幾。托

克托布哈額森所遣使丕勒瑪尼

舊作皮兒馬。

哈瑪爾

舊作黑麻。

今並改。

等復至。言于館伴云。昨知院使來。朝廷遣人偕

往。今吾等乃汗及太師所命。若不報使。事必不濟。尚書

胡濙奏其言。廷議請簡四人往。帝命俟李實還議之。

秋

七月。遣右都御史楊善

字思敬。大興人。

等使衛拉特。

先是阿拉知院使來。吏部尚書王直首疏請迎上皇。及

王直與廷臣交章共請奉迎實爲正言議論而具奏

竟爾不懌至有復作紛紜之詰則所謂非貪此位正其強顏自文而中情已不可掩子謙竊見隱微知不可以理奪故以微語釋其疑而堅其志而遣使之議始定額森遂以禮送還上皇講此舉可謂善于拯救而返正之後殘加誅戮其宗可謂少恩矣

衛拉特君臣使相繼至直與廷臣復交章言之帝不懌曰吾非貪此位而卿等強樹焉今復作紛紜何衆不知所對于謙從容言曰天位已定寧復有他顧理當奉迎萬一彼果懷詐我有辭矣帝意始釋會丕勒瑪尼等將還乃命善及侍郎趙榮爲正使以都指揮同知王息錦衣衛千戶湯允勣字公讓東甌王和之曾孫副之賁金銀書幣往衛拉特而李實適以額森使至述額森語云迎使夕來大駕朝發廷議請更遣大臣帝曰楊善旣去不必更遣但以奉迎意敕諭額森足矣

八月上皇發衛拉特

楊善奉使時賁賜額森金幣外餘無他賜善乃捐已貲



揣彼中所需者多市以往。既至館伴田氏亦中國人留飲帳中。善與語相得。因以所齎遺之。館伴喜。明日善謁額森。亦大有所遺。額森亦喜。善因詰之曰。太上皇帝朝太師遣貢使必三千人。歲必再資金幣載途。背盟見攻。何也。額森曰。奈何削我馬價。予帛多剪裂。前後使人往多不歸。又減歲賜。善曰。馬價非削也。太師馬歲增而不忍拒。故微省之。太師自度價比前孰多。帛剪裂者通事爲之。卽太師貢馬有劣弱。貂或敝。豈太師意邪。貢使多至三四千人。有爲盜。或犯他法。故自亡去。中國留之何用。賞賜惟據現在。數浮于人則不與。非減也。額森屢稱善。善見額森辭色和。因曰。太師再攻我。屠戮數十萬。太

正統既爲額森所執。知不足爲奇貨。乃送之還朝。額森之惠大矣。又有何畏懼而築臺羅拜乎。此蓋史臣飾美之辭。不足爲榮適以爲辱耳。

師部曲寧無損。今還上皇和好如故。中國金帛日至。不亦美乎。額森曰。上皇歸。何以處之。善曰。天位已定。難以再移。知院巴延特穆爾勸額森留善。而遣使要復上皇位。額森懼失信不可。乃引善見上皇。設宴奉餞。額森自彈琵琶。妻妾奉酒。令善坐。善辭。上皇曰。太師命坐。則坐。善叩頭少坐。卽起。周旋其間。額森顧左右曰。有禮。巴延等亦各設宴畢。額森築土臺。坐上皇臺上。率妻妾部長。羅拜臺下。上皇行。額森送數十里。遣知院帥兵衛送。而自下馬伏地。慟哭良久去。

詔議迎上皇禮。

禮部尚書胡濙具儀以上。

禮部堂上官迎龍虎臺。錦衣具法駕迎居庸關百官迎土。



城外諸將迎教場門。上皇自安定門入。進東安門。于東北門南面坐。皇帝謁見畢。百官朝見。上皇入居南城大內。龍虎臺。注見前。傳旨以一輿二馬迎于居庸關。至安定門易

法駕。給事中劉福言禮太薄。帝曰。昨得上皇書。具言迎駕禮宜從減省。朕豈得違之。羣臣乃不敢言。會千戶龔遂榮。淮安人。為書投高穀而匿其名。言奉迎宜厚。主上當

避位懇辭。而後受命。如唐肅宗迎上皇故事。穀袖之入朝。與王直、胡湊等共觀之。直曰。此禮失而求諸野也。湊欲以聞。王文不可。而給事中葉盛。字與中。崑山人。已奏之。有詔

索書。湊等因以書進。且言肅宗迎上皇禮正可做行。帝

不悅曰。第從朕命。無事紛更。乃遣太常少卿許彬。字道中。寧陽人。至宣府。翰林侍讀商輅至居庸。迎上皇。時帝索遂榮書所從得。其

陽人。至宣府。翰林侍讀商輅至居庸。迎上皇。時帝索遂榮書所從得。其

英宗為君為兄景泰為臣  
為弟天澤久定而倫叙攸  
昭臺容或系况監國之命  
言猶在耳君既返國則監  
者自宜退就藩封誠使誼  
分克全何致慮有叔武之  
戮乃深蓄猜疑南宮遠謂  
意果何居徒爾涕泣相持  
貌為推遜又豈真能掩人  
耳目而詔辭尚謂隆禮厚  
倫自遂能無忸怩乎

急遂榮白縛詣闕言之。  
下詔獄坐遣久之得釋。

上皇至京師入居南宮赦

上皇至自東安門入帝迎拜上皇答拜相持泣各述摺

受意推遜良久帝遂送上皇至南宮百官隨入行朝見

禮赦天下詔詞有曰禮惟有隆而無替義則以卑而奉

李實使上皇言于上皇曰南歸後當引咎自責上皇滋

不悅及至宣府僅命許彬草敕諭羣臣而已復辟後實

為民以刑部侍郎江淵字世用江津人兼翰林學士入內閣預機務

時苗衷罷以淵代之初淵與徐瑄同官侍講瑄倡議南

門淵適至迎問之瑄曰以吾議南遷不合也于是淵入

具陳固守之策遂見知超擢刑部侍郎及是叅與機務

九月御經筵

即此卷代通鑑

卷之二

明景皇帝

帝



御史許士達

歙縣人。

言經筵舊典。每月不過三日。如遇寒

暑。又輒停止。一暴十寒。聖學何以有成。願陛下于經筵之外。日召儒臣。講論經史。驗之于古。會之于心。以應無方之變。帝優詔褒答。

南京吏部尚書魏驥

字仲房。蕭山人。

致仕。

初。驥爲吏部侍郎。端慎勁直。王振方陵虐公卿。獨嚴重驥。稱先生。尋調南京。進尚書。至是。以請老至京。大學士陳循。驥門生也。請間曰。公雖位冢宰。未嘗立朝。願少待。事在循輩而已。驥正色曰。君爲輔臣。當爲天下進賢才。不得私一座主。退語人曰。渠以朝廷事如一已事。祇爲私謀。安得善終。竟致仕去。

驥家居二十年。布衣糲食。不殖生產。事兄教諭驥。雖耄益

恭教子弟力田。以理學勗後進。時戴笠行田間。遇錢塘主簿。隸呵之。對曰。魏驥復叱之。曰。蕭山魏驥。簿倉皇謝。驥慰而遣之。後至成化中。驥年九十有八。朝廷以御史梁昉言。遣行人存問。賜羊酒。命未至而驥已卒。賜祭葬。如禮。諡文靖。其子寬。以驥遺言。詣闕辭營葬。乞以其金振饑民。詔曰。驥臨終遺命。猶恐勞民。可謂純臣矣。其如所請。

冬十一月。禮部尚書胡濙請令百官賀上皇生日。不許。

未幾。濙又請明年正旦。百官朝上皇於延安門。亦不許。

自是歲以爲請。詔皆免行。給事中林聰欲上疏言之。葉盛謂曰。今上孝弟。上皇盛德。兩宮帖然安靜。若益以言。則涉衆易疑。恐無中生有。反爲非便。聰乃止。御史盛景晷曰。盛曰。已不爲而又阻人爲之邪。盛曰。此大事。當熟慮。惟安與靜。久長之道也。林聰字季聰。寧德人。盛景。吳江人。

辛未二年春正月。令軍民輸納者。世襲武職。

都給事中金達疏諫。不聽。其後給事中曹凱

字宗元。益都人。言。



近輸豆四千石以上。得授指揮。彼受祿十餘年。費已償矣。復令世襲。是以生民膏血。養無功子孫。而彼取息長無窮也。乞自今惟令帶俸。不得任事。帝然之。命已授者如故。未就者悉如凱言。

度天下僧道。

先是僧道三年一度。帝特詔停之。至是太監興安以皇后旨。度僧道五萬餘人。于謙上言。今四方多流徙之民。三邊缺戰守之士。度僧道太多。恐乖本末。帝不省。

二月吏部郎中李賢

字原德鄧州人

上中興正本策。

其目有十。曰勤聖學。顧箴警。戒嗜慾。絕玩好。慎舉措。崇節儉。畏天變。勉貴近。振士風。結民心。帝深嘉納。命翰林

寫置左右。備省覽。

夏四月。遣都督僉事孫安守備獨石。

初。額森入犯。獨石等八城。

獨石。馬營。雲州。鵬鶚。赤城。龍門。李家莊。長安嶺。凡八城。

俱殘毀。議者欲棄之。于謙曰。棄之。則不但宣府。懷來。難守。京師不免動搖。乃薦安授以方畧。率兵守之。安招士卒。修城堡。飭戰具。弔死問傷。流亡復業。八城遂完。

五月。遣衛拉特托克托布哈書。

上皇歸後。托克托布哈及額森屢使致貢。上皇所亦有獻。帝意欲絕衛拉特。不復使使。額森以爲請。尙書王直。金濂。胡濙等。皆言絕之恐啟釁。帝曰。遣使有前事。適以滋豐爾。曩入寇時。豈無使邪。因敕額森曰。前者使往。小



人言語短長。遂致失好。朕今不復遣。而太師請之。甚無益也。太師使朕皆優禮厚給之。顧亦須少人。賞賚乃得從厚。至是。托克托布哈使又至。還所掠招撫使高能等。請通好。直等復相繼言之。帝曰。使臣不遣。朕志素定。乃享其使。而以書報之。

復以楊洪鎮守宣府。

洪奏言。臣一門父子。俱握重兵。

洪子俊為右都督。管三千營。兄子能都督同知。

信都督僉事。俱充叅將。

盛滿難居。乞賜休致。不許。居數月。以疾召

還卒。

諡武襄。洪久居宣府。御軍嚴肅。士馬精強。為一時邊將冠。

秋七月。京師地震。

南京亦震。

八月復午朝

自永樂初舉午朝

事見前

後漸罷不行至是復之

舊制凡常朝內

閣五府六部及諸司以次奏事及是定午朝議帝用學士陳循言命翰林院奏事在五府六部之前

冬十二月廣通王徽燂

岷王梗第三子

陽宗王徽燭

梗第五子

謀逆廢

為庶人

徽燂惑家人段友洪致仕都事干利賓等言

謂徽燂有異相當王

天作偽勅分遣友洪及蒙能陳添仔等以銀印金幣誘

諸苗為亂

封苗酋楊文伯等為侯令發兵來攻武岡文伯不敢受

陽宗王徽燭亦

與通謀友洪歸為鎮南王徽燂

梗第二子

所執有司以聞帝

廢徽燂徽燭為庶人幽徽燂京師而錮徽燭于鳳陽蒙

能率苗兵二千至武岡聞事敗叛入廣西稱蒙王糾生



苗爲亂

久之能始誅事詳後

立團營

明初京營兵隸五軍都督府。成祖北征。分中軍左右掖。左右哨。旣旋師。仍之。謂之五軍營。兼馬步隊。專教陣法。已又置三千營。掌車輦旗纛。扈從出入。隊皆騎。後征交趾。得火器法。置神機營。隊皆步。各提督以勲臣內臣。所謂三大營也。其五都督府亦自名五軍。掌府者治。及是常行文書而已。非特命不預營事。于謙以營政久弛。兵將不相習。請選三營軍十萬。分五營團操。名曰五團營。其法五十人爲隊。隊有長。百人兩隊。有領隊官。千人有把總。五千人有都指揮。體統相維。兵將相識。量敵多寡以爲調法。旣而謙又請益兵五萬。

並前五營爲十團營。

都指揮三十。把總一百五十。管隊官一千五百。

仍各統以

武臣。內臣而謙及石亨。內臣劉永成。曹吉祥。往來提督。

其餘軍不在團營者。歸本營訓練。以衛京師。名曰老營。

由是京軍之制一變。

已而謙繪陣圖上進。依古法而變通之。其爲論甚悉。帝然之。命依法

訓練。謙號令明審。目視指屈。口奏悉合機宜。石亨雖大將。受成而已。

以禮部侍郎王一寧。

台州仙居人。

祭酒蕭鎡。

字孟勤。泰和人。

並兼翰林

學士。入內閣預機務。

鎡先代李時勉爲祭酒。帝卽位初。以老疾辭。國子生三千人叩闕請留。帝允之。至是。與一寧並以本官兼學士。

入內閣。

額森弒其主托克托布哈。



托克托布哈娶額森姊生子。額森欲立之。托克托布哈不從。額森亦疑其通中國。將害已。遂相攻。托克托布哈敗走。額森追殺之。收其妻子。遣使獻捷。且貢馬。于謙上言。額森雖悔過。摠誠遣使入貢。而罪大惡極。終不可容。今其君臣自相仇殺。是天授我復仇之機。臣請統團練軍馬。分往宣府。大同討賊。帝不從。

壬申

三年春二月。戶部尙書金濂有罪下獄。尋釋之。

舊制秋糧輸米。有折收銀布者。夏稅輸麥。有折收絲絹者。帝卽位。詔免景泰二年稅糧三之一。濂檄有司。但減米麥。其銀布絲絹徵如舊。學士江淵以告。帝詰責戶部。濂言。絲絹銀布。詔書未載。今國家多用。若概免。國計何

景泰得位跡同竊取而自  
英宗還國以後于尊泰做  
恭之道一切蕩然久已忍  
心蔑棄其君而見深之立  
旨由太后至于廢立之際  
則不復請命東朝是并蔑  
視其母矣若黃玠不過蠻  
貊夷口安知中國情事而  
其疏中揣摩迎合之言又  
豈荒服侏離者所能辦此

資言官交章劾之遂下都察院獄三月釋之削太子太  
保改工部吏部尚書何文淵言理財非濂不可遂復還  
戶部

三月詔錦衣衛官訪事

夏五月廢皇太子見深為沂王立子見濟為皇太子

帝即位後久欲以見濟代太子而難于發言會廣西土

目黃玠以私怨戕其兄思明土知府瑯并滅其家玠先

屢擢都指揮使瑯其庶兄也瑯老子均襲官非玠意陰

令其子率悍卒夜馳破府城滅瑯家支解瑯父子座之

後圃即引還明日玠佯不知走思明驚哭發喪而瑯僕

福童于玠子殺瑯時已見之并識其從人脫走訴憲司

巡撫李棠以聞下有司治其事捕玠父子入獄玠急使

其黨至京師行賂有教其迎合帝意者乃上疏請易太



必陳循輩預受分金之餌  
希旨邀榮借以發其端  
耳至于謙不諫易儲一事  
論者紛如謙在當時實能  
公忠體國者若竟如諸人  
之阿順苟容必無是理觀  
賜金之獨不及謙則安知  
非謙已有造膝之陳景泰  
稔其意不可奪故不復相  
屬邪且謙前陳泰迎賴誦  
辭以成事而此則無可詭  
托又不肯祇沽一己之名  
而于事仍歸無濟故不復  
犯顏強諍耳不然謙素為  
景泰所倚任苟非有深拂  
其隱之嫌何以天順復辟  
時聞鐘聲而遽有疑是于  
謙之問邪

子疏曰太祖百戰以取天下期傳之萬世往年上皇輕  
身禦寇駕陷北庭寇至都門幾喪社稷不有皇上臣  
民何歸今且踰二年皇儲未建臣惟人心易搖多言難  
定爭奪一萌禍亂不息皇上卽循遜讓之美復全天敘  
之倫恐事機叵測反覆靡常萬一羽翼長養權勢轉移  
委愛子于他人寄空名于大寶階除之下變爲寇讐朋  
腋之間自相殘蹙此時悔之晚矣乞與親信文疏入帝  
武大臣密定大計以一中外之心絕覬覦之望疏入帝  
曰萬里之外乃有此忠臣卽下廷臣議且令釋珖罪明  
日禮部尙書胡濙集羣臣會議衆相顧莫敢發言惟都  
給事中李侃林聰御史朱英字時傑桂陽人以爲不可尙書王  
直亦有難色太監興安厲聲曰此事不可已卽以爲不  
可者勿署名毋得首鼠持兩端羣臣皆唯唯署議于是  
濙等上言陛下膺天明命中興邦家統緒之傳宜歸聖  
子黃珖奏是制曰可禮部具儀擇日以聞卽日簡置東

宮官。越九日。更封太子為沂王。立見濟為太子。詔曰。天

作之君。實遺安于四海。父有天下。傳之子。斯本固于萬年。大赦天下。命百官朔望朝

太子。先是。帝有易儲意。恐文武大臣不從。乃賜陳循。高

穀。白金各百兩。江淵。王一寧。蕭鑑。商輅。半之。以緘其口。及太子立。又加賜黃金各五十兩。并賞諸親王。公主。及邊鎮文武。內外羣臣有差。而東宮公孤官。皆兼支

俸。

廢皇后汪氏。立妃杭氏為皇后。

帝初欲易太子。獨汪后不可。曰。如監國之稱何。帝不從。

后以太子杭妃所生。遂讓焉。

封上皇子二人為王。

見清。上皇第二子。萬宸如出。榮王。天順復辟後。改封德王。居德州。復改濟南。見淳。上皇第四

子。王惠。許王。明年如出。薨。



官顏孟二氏子孫各一人。

六月。建大隆福寺。

時太監興安用事。佞佛甚于王振。請帝建大隆福寺。費

數十萬。踰年始成。帝尅期臨幸。禮部郎中章綸

字大經。樂清人。

諫。河東鹽運判官楊浩

濟南人。

除官未行。亦上章言之。帝

乃止。

秋。七月。殺內使王瑤。

盧忠假事生風。造爲不經之談。以上變傷大倫。而搆危難其罪。與亂臣等景泰當時。卽應執實重典。庶乎理得心安。乃一聞奸人妄言。卽詔獄窮治。設浪瑤誣服。將置英宗何地。乎雖以商輅等。汲言解釋。忠亦下

御用監阮浪。侍上皇于南宮。上皇賜浪鍍金繡袋。及鍍金刀各一。浪以與瑤。錦衣指揮盧忠見之。醉瑤酒而竊之。上變言浪傳上皇命。以袋刀結瑤。圖復位。帝震怒。下浪瑤詔獄。窮治之。忠筮于術者仝寅。安邑人。寅以大義折

獄然僅坐以他事外謫立功何以懲凶惡且仍殺瑤錮其猜疑終不能釋甚矣景泰之繼位失德也

之。且曰此大凶兆。死不足贖。忠懼。佯狂以冀免。商輅及中官王誠言于帝曰。忠病風無足信。不宜聽妄言傷人倫。帝意少解。乃並下忠獄。坐以他罪。謫廣西立功。錮浪于獄。而瑤竟磔死。

江淵以母喪起復。

初。侍讀學士倪謙

字克謙。錢塘人。

遭喪。淵薦謙爲講官。謙遂奪

哀。至是。御史周文言。淵引謙正爲今日地。帝以事旣處分。不問。詔自今羣臣遭喪。毋濫保。

冬。十月。以左都御史王文入內閣預機務。

時閣中已有五人。陳循最寵任。高穀與循不相能。以文彊悍。欲引文自助。乃請增閣員。循舉其鄉人蕭維禎。穀



名手月不金車  
卷之二十一  
三  
舉文。文方巡視江淮。以中官王誠助。遂召入閣。二品大臣入閣。自文始。文既居政府。反與循比而不附。穀。人謂穀自生一敵云。

遣諸將分鎮大同宣府。

孫鏜。石彪。

亨從子。

協守大同。衛潁。楊能。協守宣府。從于謙

請也。謙又議上禦寇安邊十一事。詔悉行之。

十一月己未朔日食。

于謙辭總督軍務不許。

帝知謙深。凡所陳奏無不從。而謙亦每事抒忠。直陳無隱。由是人多忌之。方敵初退。都御史羅通劾謙上功不實。且言韓信起自行伍。穰苴拔于寒微。宜博搜將士中。

如信苴者。與議軍事。若今腰玉珥貂。皆苟全性命。保爵祿之人。未足與議也。意蓋詆謙與石亨輩。謙疏辨。且乞罷。請通指薦韓信。穰苴其人者。廷臣共留謙。又謂通志在滅賊。無他。帝兩解之。及設團營。謙與石亨同事。謙議論斷制。亨不能贊一辭。銜之。亨貪縱自恣。謙每事裁抑。亨不得逞。益恨謙。疏辭總兵官。不許。謙上言。祖宗朝。本無總督。邇因邊事孔棘。命臣兼領。此一時之宜。非經久之法。卽今敵情未定。將任宜專。臣見石亨累奏辭職。以臣爲之軒輊也。豈可以臣之駑鈍。使亨不得行其志。乞解臣總督軍務。俾亨專任其事。帝亦不允。通與亨皆謙所薦舉。顧前後齟齬之。而言者復捃摭不已。諸御史屢



以深文彈劾。賴帝力持之。謙畧得盡其所施設。然謙故性剛。負才氣。遇事有不如意。輒拊膺嘆曰。此一腔熱血。

竟灑何地。視諸選與大僚勲臣貴戚。意頗輕之。故憤怨

者益衆。德勝之捷。石亨功不如謙。而得世侯。內愧。疏薦

謙子冕。詔赴京師。謙辭不允。冕至。謙言國家多

事。臣子不得顧私恩。且亨為大將。不聞舉一幽隱。拔一

行伍微賤。以裨軍國。而獨薦臣子。于公議亦不協。臣于

軍功立杜微倖。決不敢以子濫功。亨復大恚。帝嘗賜謙

第。謙辭。每日留宿直廬。器具蕭然。素病痰疾。作。帝遣與

安。舒良。往視還。奏謙服用過薄。詔尚方製賜。至醢菜皆

備。帝又親幸萬歲山。伐竹取漚。賜之。或言寵謙太重。與

安曰。彼日夜分國憂。不問家產。即彼去。令朝廷何處更覓此人。

十二月。額森使來。廷臣請遣使報之。不許。

額森自弒托克托布哈。後屢貢馬。至是。復遣使賀來年正旦。尚書王直等請遣使答之。詔兵部議。于謙言。臣職

司馬知戰而已。行人事。非所聞。帝從謙言。遣使議乃罷。  
既而洗馬劉定之言。北庭遣使。宜敕羣臣公議。不當但  
委兵部。蓋和戰皆所以待敵。而兵部必不以和為請。猶  
巫醫皆所以治病。而巫者必不以藥為言。各護其所短。  
而欲見其所長也。詔下羣臣更議。給事中路壁。以遣使  
有五不可。帝以壁議為是。使卒  
不遣。  
劉定之。字主靜。永新人。

癸酉 四年春二月。以黃玠為前軍都督府同知。

勅玠馳驛至京。召見便殿。以玠有機謀勇畧。命治前府

事。賜第居京師。

後太子卒。玠  
即即藥死。

三月。鳳陽淮徐饑。巡撫僉都御史王竑賑之。

鳳陽淮安徐州大水。道殣相望。竑不待報。輒開倉賑之。  
山東河南饑民。亦相率就食。竑以徐州廣運倉有餘積。  
欲發以賑。典守中官不可。竑曰。民旦夕且為盜。若不吾



從脫有變。吾先斬若。然後自請死耳。中官憚竑名。不得已從之。竑乃自劾專擅罪。因言廣運所儲。僅支三月。請令死罪以下。得入粟贖。帝從其議。復命侍郎鄒幹齎帑金馳赴。聽竑便宜。竑乃躬自巡行散賑。不足。則令沿淮上下商舟。量其大小。出米作粥。以食饑民。又勸富民出米麥穀粟。而以銀錢絹布糴之。分給被災之家。全活二百一十餘萬。賦牛種。及招撫復業者。七萬九千餘戶。他境流移安輯者。萬六百餘家。病者給藥。死者具槨。鬻子女者。贖而歸之。還籍者。予道里費。民忘其饑。頌聲大作。歌曰。生我者父。活我者巡撫。初。竑奏淮揚饑。帝憂甚。及得竑自劾疏。喜曰。好都御史。不然。饑死我百姓矣。于是尚書金濂大

學士陳循等頌竑功。就進左副都御史。

時濟寧亦饑。帝命南京戶部尚

書沈翼賁帑三萬往賑。散給僅五千金。餘歸之京庫。竑劾翼奉使無狀。請以銀易米備賑。從之。

夏四月。始令生員納粟入國子監。

先是。元年六月。命生員納糧。倒馬關者。給冠帶。至是。命輸粟八百石于臨清。東昌。徐州。賑濟者。入監讀書。循資

出身。尋減三百石。行未幾。以胡濙言遂罷。

洪武中。監生與薦舉人材

參用。故其時太學生最盛。迨薦舉既廢。進士日重。而監生漸輕。至是。納粟例開。開封教授黃鑾首言其不可。戶部請俟倉庫稍實。停之。于是不久即止。然其後或遇歲荒。或因邊警。或大興工作。率據前例行之。而軍民子弟亦得援生員之例。以入監。謂之民生。亦謂之俊秀。或竟謂之例監。而監生日益輕矣。

秋八月。額森自立為汗。

額森以兵力迫脅諸部。東踰烏梁海。西及赤斤哈密等。



徐有貞傾險之徒心術叵測前此南遷倡議祇圖自保身家因而為人指目遷擢久淹乃躁進滋深遂諂附閣臣改名希用不獨詭遇可羞其狡詐為可恨

遂自立為汗。以其次子為太師。遣使致書稱大元特克

紳汗

舊作田盛可汗。解云。田盛猶言天聖也。蓋當時未通音譯。以其與天聖相近。遂以為解。今改正。并訂

之。末曰添元元年。詔廷臣議報書所稱。或以為但勅諭

來使。不必賜書。

給事中林聰。

或以為宜仍稱太師。

安遠侯柳溥。

或

以為可稱衛拉特主。

郎中章綸。

而府部大臣則僉言宜從北

俗稱為汗。帝從大臣議。書稱衛拉特汗賜之。

冬十月。以徐有貞為左僉都御史。治沙灣決河。

有貞即徐瑄。以倡議南遷為太監興安金英所叱。久不

得遷。因諂事陳循。以玉帶遺之。且用星術言公帶將玉

矣。無何循果加少保。大喜。會太子立。因引為右諭德。尋

復薦為國子監祭酒。帝曰。是議南遷者邪。為人傾邪。將

鄙夫患失無所不至皆由利祿懷心不復知以義理自處誠無足貴獨是景泰既素稔其為人何改名以後竟為所蒙罔而不之覺且旋加柄用乎

壞諸生心術他大臣亦屢薦程輒不用循具以告理曰若第更名無為內家習知也程從之遂改名有貞時河決沙灣已七年矣隨築隨決前後治者皆無功廷臣共舉有貞乃擢僉都御史治之

十一月皇太子見濟卒

諡懷獻

甲戌五年春正月命平江侯陳豫

以平賊功進封侯

學士江淵撫輯

山東河南兩淮軍民

時山東河南兩淮大寒人畜多凍死巡撫都御史王竑

以為言故有是命

竑言頃冬春之交淮河水抵海四十餘里人畜僵死萬餘弱者鬻妻子強

者肆刼斂民困若此陛下端居九重大臣身處廊廟何由見之使目擊其狀未有不太息流涕者也陛下即位以來非不敬天畏民而天變民窮特甚者恐聖德雖修而未至人倫雖正而未篤賢才用而未收其效邪佞去



而未盡其類。仁愛施而實惠未溥。財用省而上供未節。刑罰寬而冤獄未伸。工作停而匠役未息。法制頒而尙有更張。賦稅免而或仍牽制。坐是干和。遂召災變。臣願陛下修厥德以圖厥治。欽天命。法祖宗。正倫理。篤恩義。戒逸樂。絕異端。廣仁愛。釋猜疑。修德必致其誠。進忠良。遠邪佞。公賞罰。寬賦稅。節財用。戒聚斂。却貢獻。罷工役。圖治必盡其實。如是而災變不息。未之有也。帝褒納之。因勅內外臣工同加修省。陳弭災之道。

三月減國子生額。

監生二千餘人。俱仰給官廩。以戶部侍郎孟鑑言。留年深者千餘人。餘放歸。

命學士王文撫恤揚州。及蘇常諸府。

尚書儀銘

字子新。高密人。智之子。

以江南北積雪。沍寒。死亡載道。

奏請賑恤。帝得奏。卽馳勅江淵王竑。賑淮北。而命文賑揚州。及蘇常諸府。先是。正統以來。蘇松常鎮四府糧。自

兌運外。每四石折白金一兩。

卽金花銀。事具前。

民以爲便。後戶

部仍徵米輸淮徐。凡一百餘萬石。率三石而致一石。民多破家。文以便宜停之。又發廩賑饑民三百六十餘萬。

夏四月。壬午朔。日食。

五月。下禮部郎中章綸。御史鍾同。

字世京。永豐人。

于錦衣衛獄。

先是。懷獻太子旣卒。綸與同偕朝。語及沂王。皆泣下。因與約疏請復儲。會定州獲北諜。言額森使偵京師。將以秋初大舉深入。同聞之。上疏抗論時政。因及復儲事。曰。父有天下。固當傳之于子。乃者太子薨逝。足知天命有在。今皇儲未建。國本猶虛。臣竊以爲上皇之子。卽陛下之子。沂王天資厚重。足令宗社有託。伏望擴天地之量。



敦友于之仁。擇日具儀。復還儲位。實祖宗無疆之休。疏入。帝不懌。然猶下廷臣集議。雖銜同甚。未發也。越三日。綸復陳修德弭災十四事。其言惇孝弟云。孝弟者。百行之本。願陛下退朝後。朝謁兩宮皇太后。修問安視膳之儀。上皇君臨天下。十有四年。是天下之父也。陛下親受冊封。是上皇之臣也。上皇傳位陛下。是以天下讓也。陛下奉爲太上皇。是天下之至尊也。願陛下于朔望或節日。一幸南宮。率羣臣朝見。以展友于之情。極尊崇之道。又請復汪后于中宮。正天下之母儀。還沂王于儲位。定天下之大本。帝得疏。遂大怒。時日已暝。宮門閉。傳旨自門隙中出。立執綸繫詔獄。未幾。并及同。逼引主使。拷掠

備至會大風揚沙。天地晝晦。獄得稍緩。令錮之。

烏梁海三衛乞居大寧城。不許。

額森虐使三衛逼徙其部落于黃河穆納地。

穆納山名。注見前。

三衛不能堪。其酋奇里瑪

舊作乞兒蠻。

格根特穆爾

舊作革干帖木

兒。今並改。

等亡歸。請得近邊屯駐。因乞居大寧廢城。于

謙以爲不可。乃止。

秋八月。減兩京課鈔。

時以鈔法不行。令兩京市肆園場稅悉納鈔。戶部按月

征之。商民以爲病。或閉戶不敢市易。拔園蔬伐果木以

避之。給事中陳嘉猷

餘姚人。

言。兩京根本重地。軍民尤宜

加恤。豈可當歲歉之時。與擾民之政。縱使鈔法通。而民



已不聊生矣。詔蔬果等暫免納鈔。

冬十月。額森爲阿拉所殺。

額森恃強。日益驕恣。荒于酒色。阿拉求爲太師。不許。且殺其二子。阿拉怒。遂率衆攻額森。因數其三罪曰。漢見血在汝身。托克托布哈王血在汝身。烏梁海血亦在汝身。天道好還。今日汝當死。額森無以應。遂殺之。未幾。韃

靼部保喇。

舊作孛來。今改。後仿此。

復殺阿拉。奪額森母妻并其玉

璽。求托克托布哈子穆爾格爾。

舊作麻兒可兒。今改。後仿此。

立之號

小王子。自是衛拉特遽衰。

額森弟及諸子。往依哈密。

部衆分散。而保

喇與其屬瑪拉噶。

舊作毛里孩。今改。後仿此。

等皆雄視部中。韃靼勢

復熾。

額森本托歡太師子。額森既亡。數傳至博汗。其世次不可考。博汗生子曰烏林台巴丹。太師遂統部

落。是爲準噶爾之始。按博汗。舊作孛汗。烏林台巴丹。舊作烏林台巴輕。今並改正。

十二月。貶都給事中林聰爲國子監學正。

聰遇事敢言。爲執政大臣所疾。王文光惡之。會聰甥陳和爲教官。欲得近地便養。文嗾御史黃溥劾聰。下廷訊。坐專擅選法。當斬。胡濙不肯署。稱疾不朝者數日。帝遣興安問疾。濙曰。老臣本無疾。前日議事驚悸。至今不寧耳。安問何爲。曰。諫官有小罪。而欲殺之。所以悸也。安入告。高穀亦力言之。聰遂得釋。貶國子監學正。

乙亥六年春正月。改工部尙書石璞。字仲玉。臨漳人。爲兵部。以學士

江淵爲工部尙書。

淵在內閣。好議論。每爲同官所扣。意忽忽不樂。會于謙



以病在告。詔推一尙書協理部事。衆佯推淵。淵欣然不辭。屬商輅草奏。陳循。王文密示以石兵江工四字。淵在旁不知也。比詔下。淵大失望。

二月。雨。木冰。

彌旬不解。

錄四。

時中外繫囚。有至十餘年者。帝以災變。命法司審錄之。由是得減免者甚衆。

夏四月。丙子朔。日食。

韃靼遣使入貢。

禮部言。迤北未有君長。請量減賞賜。詔從舊給之。以慰。

其心

五月帝禱雨南郊。

以雨畿及各省旱蝗也。

予太監王誠等錦衣衛世職。

六月以宋儒朱子九世孫挺爲翰林院五經博士世襲。

尋復以宋儒程頤後克仁周敦頤十二代孫昂俱爲世

襲博士。

秋七月徐有貞治沙灣決口成。

有貞至張秋。

鎮名在泰安府東阿縣西南運河所經與壽張陽穀二縣接界

上治河三

策一置水門。

畧言水性可使通流不可使壅塞故漢武

帝言治水者甚衆獨樂浪王景所述制水門之法可取今請依景法損益其間置閘門于水而實其底令高常



水五尺。小則拘之以濟運。大則疏之使一開支河。畧言凡水趨海。則有通流之利。無埋塞之患矣。

勢大者宜分。小者宜合。分以去其害。合以取其利。今黃河勢大。故恒衝決。運河勢小。故恒乾淺。必分黃水入運河。則可去其害而取其利。請度黃河可分之地。開河一道。使水大不至泛溢為害。小亦不至乾淺以阻漕運。

一濬運河。議既定。督漕都御史王竑以漕渠淤淺滯運。

請急塞決口。帝勅有貞如竑言。有貞守便宜。言臨清河

淺舊矣。非因決口未塞也。漕臣但知塞決口為急。不知

秋冬雖塞。來春必復決。徒勞無益。臣不敢邀近功。詔從

其言。有貞乃治渠。起張秋金堤。江見前。之首。引而西南百

里。經濮陽。博陵。至壽張之沙河。及東西影塘。白嶺。薄李。畢凡五十里。由李畢而上。至竹口蓮花池。抵大

瀦潭。又踰范。暨濮。又上而西北。經瀆淵。以接河沁。內倚

古金堤以為固。外恃梁山泊以為泄。又置上下二閘。以

節宣之。凡河流之旁出而不順者。築九堰以障之。堰各長萬丈。崇三十有六尺。厚什之。柵木絡竹。實之石而鍵以鐵。凡五百五十餘日而工成。賜其渠名廣濟。由是河水不東衝沙灣。而北出濟漕。乃濬漕渠。北至臨清。南抵濟寧。建閘于東昌者八。水道以平。先是有貞始興工。有謂河決宜塞不宜疏者。帝遣中使卽問。有貞出二壺而穿其一爲五竅。注水其中。五竅者先涸。中使還報。乃決用其策。及工將竣。江淵請遣中官偕文武大臣督京軍五萬人往助役。有貞言。京軍一出。日費不貲。今泄口已合。決隄已堅。但用沿河民夫。自足集事。乃止。蓋自沙灣之決垂十年。至有貞治之。而決口始塞。阿。鄆。曹。濮。間。田。



出沮洳者百數十萬頃。山東河患少息。然亦會黃河南

趨徐呂東流漸殺。故有貞得奏厥功云。

有貞初築決口。下木石則皆若

無者。有貞思數日。忽悟曰。此下殆有龍窟耶。吾有以制之矣。乃鎔鐵下之。不移時而決口塞。有貞事竣還。帝厚勞之。尋復命巡視漕河。明年秋。山東大水。河隄多壞。惟有貞所築如故。有貞乃修舊隄決口。自臨清至濟寧。水患悉平。還朝。帝召見。獎勞有加。進左副都御史。

太白晝見。

帝卽位後。太白常晝見。至是。御史倪敬。

字汝敬。無錫人。以災異

頻仍。請罷齋僧。輟遊宴。止興作。疏入。帝不懌。未幾。都御

史蕭維禎考察其屬。諭令去之。遂黜敬爲典史。

八月。杖南京大理少卿廖莊。

字安止。吉水人。

于闕下。謫爲驛丞。復

杖禮部郎中章綸。御史鍾同。于獄。同死。綸仍錮獄。

光緒帝親英宗并易其儲  
嗣徐正以奸人窺伺遂公  
然請出居沂州其迎合揣  
摩殊為逢君長惡景泰于  
廖莊等之建言既嚴刑以

先一年。性在南京。疏言。臣曩見上皇遣使冊封陛下。每  
遇慶節。必命羣臣朝謁東廡。今上皇在南宮。願陛下時  
時朝見。或講論家法。或商榷治道。歲時令節。命羣臣朝  
見。以慰上皇之心。又言。太子者。天下之本。上皇諸子。陛  
下之猶子也。宜令親儒臣督書策。以待皇嗣之生。使天  
下臣民。曉然知陛下有公天下之意。疏入。不報。及是。莊  
以事至京。詣東角門朝見。帝憶前疏。大怒。命杖八十。謫  
定羌驛丞。左右言。事皆由鍾同倡。實罪魁。帝乃封巨梃。  
就獄中杖同。及綸各百。同竟死。綸死而復甦。繫如故。是年。  
刑科給事中徐正請間言事。亟召入。乃言上皇臨御歲  
久。沂王嘗位儲副。天下臣民仰戴。不宜居于南宮。宜遷  
置所封之地。以絕人望。別選親王子。育之宮中。帝驚愕。  
大怒。立叱出之。命謫遠任。已復得其淫穢事。遂謫戍鐵



遂復用高平伐樹之說其  
猜忌險刻幾不留餘地何  
獨于徐正而反加以深譴

蓋自南宮退處朝謁闕如  
其勢無殊于禁錮推景泰

之心以為近在闕廷易于  
防制若出就外藩則書主

名存衆望未絕不能無意  
外之虞深疑正以詭辭作

說故一聞言即不勝驚愕  
且繼之以怒也論者每以

止之謫戍謂可減景泰貪  
位忘君之罪又或謂其藉

此以掩惡沽名不知景泰  
自篡位以後久已倒行逆

施未末顧惜人言安得天  
良忽動必執觀前後以誅

其心始無通情耳

嶺衛又御史高平亦言城南多樹事叵測遂盡伐之時  
盛暑上皇常倚樹憩息及樹伐得其故大懼至天順復  
辟後正平皆伏誅

冬十一月以方瑛為平蠻將軍討湖廣叛苗

初庶人徽燂既廢其家人蒙能竄入苗中為亂事具詐

作妖書糾生苗三萬餘攻龍里注見新化明守禦所今

黎平明衛今為錦屏諸城官軍屢勦不能克至是

帝命瑛為平蠻將軍尚書石璞總督軍務率京軍討之

時諸苗酋多與能相應合衆攻平溪衛明置今為玉屏

都指揮鄭泰以火鎗擊能能被創走泰追斬之事在明

餘賊流劫武岡分陷藕塘諸寨勢尚熾已而瑛進駐沅  
州分三道一自清浪明衛今為清溪一自平溪一自鎮

遠會于賊境。破鬼板等一百六十餘寨。在明年十二月。蒙能餘

黨以次平。

丙子七年春二月。皇后杭氏崩。諡肅孝。

三月。天鼓鳴。

夏四月。彗星見。

彗東北見于胃。其光芒或長數尺。或長丈餘。自是月至

于六月。凡兩月餘。及十二月。又復見于畢宿。

五月。勅內外羣臣修省。

以星變也。

六月。葬肅孝皇后。

河決開封。



秋七月。兩畿山東河南大水。

自夏至秋。大雨不止。諸水並溢。高地丈餘。

以工匠蒯祥。陸祥。爲工部侍郎。

蒯祥以木工。陸祥以石工。俱累擢太僕寺少卿。至侍郎。仍督工匠。時稱爲匠官。

八月。浙江江西湖廣旱。

九月。賜大學士王文陳循子。俱明年會試。

大臣子弟果文學優裕。固不妨以科目進身。而旣與選。場得失。惟當靜聽。若其才本不堪。錄取則見斥。更屬至公。尤當安命而守分。乃王文陳循以其子被黜。切齒考官。搆成其罪。雖臺

自設科以來。輔臣子弟少登第者。是秋。文子倫。循子瑛。應順天鄉試。被黜。文循搆考官劉儼。賁諫。欲殺之。臺省譁然。高穀言于帝曰。大臣子與寒士競進。已不可。況又不安于命。欲殺考官。可乎。帝命翰林院禮部覆閱貢士。



垣清議同列建言概不之恤必待命官覆問令其子得與會試而後快心景泰雖薄其人而不能不徇其請紀綱既已蕩然而二人之任私意而蔑朝章恣橫實甚以凶險濟其貪鄙其惡豈特壟斷之賤丈夫哉

卷。有優于倫。瑛者。有相等者。亦有不及者。勉徇二人意。命其子一體會試。而心薄之。

冬十一月。蠲天下景泰以前逋賦。

十二月。帝有疾。

罷明年元會。



漢書卷之二十四

漢書卷之二十四

漢書卷之二十四

漢書卷之二十四

漢書卷之二十四

漢書卷之二十四

漢書卷之二十四

漢書卷之二十四

歸問平衣會

十二日帝幸夷

於十一月天子舉泰以備教訓

前公衛之

參軍將軍楊賜以議郎二人為命其子一歸會后



